

摘藻堂四庫全書薈要

子部

欽定四庫全書薈要卷一萬一千六百九十九

子部

御定淵鑑類函卷二百五十一

人部十

女 翁壻
乳母

女一

增彙苑曰女如也從父之教從夫之命故曰如未嫁謂之女已嫁謂之婦 易曰家人利女貞 又曰歸妹愆期遲歸有時象曰愆期之志有待而行也 又曰六五帝乙歸妹其君之袂不如其娣之袂良月幾望吉象曰

帝乙歸妹不如其娣之袂良也其位在中以貴行也

詩曰窈窕淑女君子好逑 又曰窈窕淑女琴瑟友之

又曰窈窕淑女鐘鼓樂之 又曰漢有遊女不可求

思 又曰有齊季女 又曰標有梅其實七兮求我庶

士迨其吉兮 曲禮曰女子許嫁笄而字 內則曰女

子出門必擁蔽其面夜行以燭無燭則止 又曰子能

食食教以右手能言男唯女俞男鞶革女鞶絲注唯俞

皆應辭鞶小囊盛悅巾者男用韋女用緇帛 又曰女

子十年不出姆教婉婉聽從執麻枲治絲繭織絰組紃
學女事以供衣服觀於祭祀納酒漿盥豆菹醢醴相助
奠十有五年而笄二十而嫁凡女拜上右手 又婚義
曰教以婦德婦言婦容婦功 又雜記曰女雖未許嫁
二十而笄 又曰男女不雜坐 又曰婦人從人者也
幼從父兄 穀梁曰女嫁父母施鞶帶戒曰謹慎從爾
父母之言 家語曰女有五不取逆家子者亂家子者
世有刑人子者有惡疾子者有喪父長子者 列女傳

曰古者生女三月臥之牀下弄之瓦磚而齋告焉臥之牀下明其卑弱主下人也弄之瓦磚明其習勞主執勤也齋告先君明當繼主祭祀也 又曰女子之行於親也孝婦也節母也義而慈止矣

女二

增列女傳曰漆室女魯處女也倚柱悲吟而歎鄰人謂曰欲嫁耶何吟之悲也女曰嗟乎吾傷民心悲而歎豈欲嫁哉自傷懷潔而為鄰人所疑於是蹇裳而欲去之

入山林之中見貞女之廟有女貞木焉喟然歎息援琴而歌自縊而死按女貞木者少陰之精冬不落葉即今之冬青樹也穀梁曰齊侯送姜氏于謹禮送女父不下堂女不出祭門諸母兄弟不出闕門父戒之曰謹慎從爾舅之言母戒之曰謹慎從爾姑之言諸母復申之曰謹慎從爾父母之言送女踰境非禮也漢書曰呂公善相見高祖曰臣有息女願為執箕箒晉書曰愍懷太子妃太尉王衍之女字惠風太子廢衍請絕婚而

歸惠風號泣行路流涕後劉曜陷洛陽以惠風賜其下
將妻之惠風拔劍拒曰吾太尉之女太子之妃誓不為
逆賊所辱遂遇害 華陽國志曰王廣仕劉聰為西揚
州刺史蠻梅芳攻陷揚州廣被殺女年十五芳納之於
閤室中擊芳不中芳曰何故反女曰蠻畜我誅父賊父
讐不同天母讐不同地汝逆害人父母復以無禮凌人
吾所以不死者欲誅汝耳恨不得梟汝首於通衢以塞
大恥遂自殺 又曰楊姬生自寒素父坐獄楊渙為尚

書郎告歸姬乃邀道叩渙馬訟父罪言詞慷慨涕泣摧
感渙憫之語郡縣令為出其父因竒其才為子文方納
之 汝南先賢傳曰戴良字叔鸞嫁五女皆布裙無緣

異苑曰楊豐為虎所噬女香年十四手無寸刃直搯
虎頭父遂得免 孔帖曰鄭仁基息女美而才皇后建
請為充華典冊具或言許聘矣魏徵諫曰陛下處臺榭
則欲民有棟宇食膏粱則欲民有飽適顧嬪御則欲民
有室家今鄭已約婚陛下取之豈為人父母意

女三

姪女附

孝女

賢女

烈女並入

原設悅

聞琴

禮女子生設悅于門右悅佩巾也世說蔡琰字文姬邕之女也邕夜鼓琴絃

絕琰年六歲曰第二絃又故斷一絃問之曰第四絃邕

曰偶中耳琰曰季札知興亡之國師曠吹律識南風不

競由此言之

供客

喜書

世說周顗母李氏字紹秀顗父浚為將軍出獵遇雨

何為不知也

止李氏會其父兄不在紹秀聞浚至與婢于內宰猪羊

具饌不聞人聲浚怪使人窺之見一女甚美因求為妾

父兄不許秀曰門戶疹痒何惜一女遂許之魏志甄

后九歲喜書用諸兄筆硯兄謂曰汝當習女工用筆為

學當作女

歸寧

失聘

詩歸寧父母尹文子曰黃公有女至美其父常謙曰醜

博士耶

人謂信然故

增佩環

琢玉

列女傳下堂則從傳母保母進退則鳴玉佩環

過時無聘者

呂溫集顧復長之如滋芳蘭之
易茂姆師教之如琢美玉之易成

識文

續訓

晉書
王肅

女子文義過目則識祖司徒異之曰興吾家者必此
女矣唐書韋溫女善屬文續曹大家女訓行於世

原憂國患

贖父刑

魯漆室女過時未適人倚柱而歎
鄰婦曰子欲嫁乎曰非也子憂魯

君老太子幼鄰婦曰此丈夫之憂也女曰不然昔有客
過繫馬園中馬逸踐子葵使子終歲不飽葵鄰女奔使
予兄追之逢水溺死使子終身無兄予聞河潤九里漸
如三百步今魯國有患君臣父子被其辱婦人獨安所
避乎史記太倉令淳于公有罪當刑無男有女五人
公罵其女曰生女不生男緩急非所用其女緹縈上書
曰妾父為吏齊中皆知其廉平今坐法當刑願入官為
婢贖父罪使得改過自新書奏文帝哀憐其意乃除肉
刑

愛甚四男

何惜一女

上張禹事見君臣問疾類
下絡秀事見前供客注

增即汝能矣

一女憐之

列女傳顏氏有三女叔梁紇求婚父問曰陋大夫父

祖為士武力絕倫誰能事之小女徵在曰從父所制父曰即汝能矣遂以歸紇生孔子唐處士侯高將嫁其

女曰吾一女憐之必嫁官人不與凡子

夢吞玉勝

身繫珠環

南史齊高帝劉

皇后母桓氏夢吞玉勝而生后漢叔先雄者犍為叔

先泥和之女也泥和為縣功曹縣長遣謁巴郡太守溺

死求尸不得雄晝夜號泣常欲自沈所生一男一女俱

幼雄各作一囊盛珠環繫兒身乘小船于父溺處痛哭

遂自投水死後六日與父尸相持浮

聘為王后

召

于江上郡縣為雄立碑圖其像焉

拜才人

齊東郭採桑之女項有大瘤號曰宿瘤閔王出遊東郭百姓皆觀宿瘤採桑如故王怪召問之

對曰吾受父母教採桑不受教觀大王王曰此奇女也命後車載之女曰貞女一禮不備雖死不從于是遣歸

使使者加禮往聘迎之女不飾如故隨使者至宮中論
堯舜不飾為天下歸善桀紂飾為天下歸惡閔王大感
以瘤女為后唐書徐惠妃生五月而能言四歲能通
論語八歲能屬文父孝德嘗使擬離騷遂為小山篇太
宗聞之召
代授父書
踵成兄史
漢書伏生名勝濟南人文帝即位求

能治尚書者聞伏生能治召之伏生年九十餘不能行
詔使文學掌故鼂錯往受之伏生使其女傳言教錯得

二十九篇

下曹

治具待賓

負土葬父

唐書李晟女嫁崔氏

大家事見姊妹類

正歲歸寧晟責曰汝有家而姑在堂婦當治酒食具以
待賓客何遽歸耶乃却之不得進方輿記有人無男

而養七女父
亡負土葬之

攘拳操檝

袖劒帷車

趙河津之女曰女涓者簡子南

擊楚津吏醉臥不能渡簡子怒欲殺之涓懼曰妾父聞
君東渡不測之水故禱于九江三淮之神不勝巫祝杯

酌餘瀝醉至如此妾願以微軀易父之死將渡用檝者
少一人涓攘拳操檝而請簡子遂與渡中流為簡子發
河激之歌簡子歸納為夫人
下趙娥事見婦人才略類

踰城救父

抵璧報仇

上見前唐衛孝女字無忌父為鄉人衛長則所殺無
忌甫六歲無兄弟母改嫁女長志報父仇會從父大延
客長則在坐無忌抵以甕殺之詣吏稱父
仇已報請就刑褚遂良以聞太宗免其罪

廉潔勝壁

烈行旌門

宋史任夢臣任西川路提點刑獄以廉節
稱卧病不起家徒四壁有二女賢甚趙清

獻守成都率僚屬以俸助之二女辭不受曰豈敢汙先
君清德既行以原物勝于門壁付之守吏二女潔清如
此清獻以子姓娶之唐書京兆人竇氏有伯仲二女
永泰中為賊所剽將私之行臨太谷伯曰我豈受汙于
賊自投崖下而死仲亦隨之京兆
尹第五琦表其烈行詔旌其門

挑文作貢 裏布

為荆

唐元稹織女詩東家頭白雙女兒為解挑文嫁不得注云余掾荆時目擊受貢綾戶有終老不嫁之

女東坡集東坡別子由詩森然有六女包裹布與荆

蓋子由有六女也又詩云平生無一女誰復歎耳耳按

諺有生女耳

耳之言故云

築墓建樓

投爐浮履

水經注蜀郡太守王子雅南陽

西鄂人有三女無男而家累千金父沒當葬三女自相

謂曰先君生吾姊妹無男兄弟今當安神玄宅翳靈后

土冥冥絕後何以彰吾父之德各出錢五百萬一女築

墓二女各建石樓以表孝思樓可高丈七八尺有餘石

質青綠光可以鑒窮工綺刻妙絕人工紀聞宣城郡

青陽縣有梅根治孝女李娥吳大帝時為鐵官治以鑄

軍器一夕鍊金爐竭而金不出罪當誅娥年十五痛傷

之因火烈遂自投爐中于是金溢爐口娥所躡二履浮

出于爐身則化矣其金汁塞爐而下遂成溝渠泉注二

十里入于江水其所收金凡億萬斤故吳俗每鑄銅鐵

必先為娥立祠享而祈福

參承太后 薦攝參軍

唐書上召柳公權問得失因言

郭旼領郾寧而議者頗有臧否帝曰旼官無玷缺自大

金吾位方鎮何所更議荅曰旼誠勲舊然人謂獻二女

乃有是除信乎帝曰女自參承太后豈獻哉公權曰嫌

疑間不可戶曉因引王珪諫廬江王事是日帝命中官

自南內遣女還郭旼家玉溪編事王蜀相周庠留司

府事時臨邛縣送失火人黃崇嘏纔下獄便貢詩一章

周覽詩召見後薦攝府司戶參軍吏胥畏服周欲以女

妻之崇嘏又貢詩有幕府若容為坦腹願天速變作男

兒之句周覽詩詰問乃黃使君之女幼失怙蔭惟與老

姪同居元末從人周益仰貞潔旋乞罷歸臨邛之舊隱

竟莫知存亡焉

憲英才鑒 斬女志操

晉書辛憲英魏侍中辛毗之女也聰明有

才鑒初文帝為太子抱毗項曰知我喜否毗以告憲英

英曰太子代君主社稷者也代君不可以不戚主國不

可以不懼今宜戚而反喜何以能久魏其不昌乎晉書靳康女美姿容有志操劉曜誅靳氏訖將納其女為妾女曰陛下既誅其父母焉用妾為妾聞逆人之誅也尚汙宮伐樹况子女乎號泣請死曜慙乃免之誅

諫傷槐樹

獨作荆棺

晏子春秋齊景公有所愛槐樹令吏守之犯槐者刑傷槐者死

有不聞令而犯之者吏收之將加罪犯者之女說晏子曰妾聞明君不以禽獸殺人今君以樹木之故殺妾父孤妾身恐害明君之政損明君之義晏子言于君公乃令吏罷守槐之役出犯槐之囚古今記荆棺峽僻隙有棺以荆為之昔人有九子父死不能葬一女編荆為棺不知其人矣諺云九子不葬父一女打荆棺

周官音義

大雅風詩

晉書韋逞母宋氏家世儒學母早喪父躬養之及長授以周官

音義謂曰世傳儒業無男可傳汝宜受之勿令絕世又曰謝奕女道韞聰慧有才辨叔父安問毛詩何句最

佳道韞曰吉甫作誦
穆如清風此句最佳

原姪女妻兄子

抱仲女

論語子謂

南容邦有道不廢邦無道免於刑戮以其兄之子妻之
後漢書劉平弟仲為賊所殺扶母奔逃仲遺腹女一

歲平抱仲女而棄其子母欲取之
平曰力不能兩活仲不可絕類

誨兄女

活弟孤

禮南宮縯之妻之姑之喪夫子誨之髻曰爾無從從爾
爾無扈扈爾蓋榛以為笄長尺而總八寸注從從謂大
高扈扈謂大廣總束髮垂為飾齊縵之總八寸也縯字
子容其妻孔子兄女也魏志夏侯淵字妙才時大亂
飢乏棄其子而活亡弟孤女

箕帚之訓

柳絮之詩

晉書庾袞孤兄女曰芳將

嫁罷服既備袞乃刈荆苕為箕帚命芳曰汝將事舅姑
灑掃庭內婦人道也故賜汝匪器之為美欲使汝溫恭
朝夕世說王凝之妻謝道韞叔安嘗內集俄而雪下
安曰白雪紛紛何所似兄子曰撒鹽空中差可擬道韞

曰未若柳絮因風起安大悅

女四

原志在女工

詩序曰后妃在父母之家則志在女工之事尊敬師傅可以歸寧父母

增

汙吾世矣

綱鑑齊湣王被殺其子法章變姓名為莒太史敫家傭敫女奇法章狀貌常竊衣食之因

與私焉及齊亡其臣相聚求湣王子欲立之法章乃自言共立法章為襄王王立以太史敫女為王后生建敫

曰女無媒而嫁非吾種也汙

山名女獄

圖經吳興有女囚山又曰

吾世矣終身不覩君王后

女獄山漢沈恢以柯田山水佳甚謀居之其女洩之于姻沈戎家奪之恢憤其女賤女歸寧因之苧溪之北山

墟間至死不悔仍戒其後三世不舉女戎字威卿說降劇賊尹良光武嘉之封海昏侯不受

女中

王

魏文帝郭皇后少而父奇之曰此乃吾女中王遂以女王為字

代父從軍

晉女子木蘭者

代父征戍十二年而歸不受爵賞人無知其為女子也樂府有木蘭詞

賣犬嫁女

晉書吳隱

之將嫁女謝石令移厨帳助其經營使者至方見婢牽犬賣之此外蕭然無辦

好不可為

說世

趙母嫁女女臨去教之曰慎勿為好女曰不為好可為惡耶母曰好尚不可為况惡乎按趙母桐鄉令虞謹妻

賴川趙氏女也

撫膺太息

竇毅女事見婦人才略類

幼有志操

廣輿記謝小娥

幼有志操曾許嫁段居貞父與居貞同為賈為盜申春申蘭所殺小娥詭服為男子託傭申家斬蘭首大呼捕

賊鄉人擒春娥乃削髮為尼

紫石書文

白樂天女字金鑒年十歲忽書北山移文示家人樂

天方買終南紫石欲刊文士傳乃輟以刊女書

飾其愛女

唐書田悅攻臨洛累月不拔城中食

且盡張伍飾其愛女曰賣為將士一日之費衆皆哭曰
願盡死力不敢言賞李抱貞告急于朝詔馬燧李晟等
討悅大

身陷全親

蜂類書纂要紹興初有淮寇號一窠

破之
子俱無生理我計決矣頃之賊至執其父兄將殺女泣
拜曰願相從贖父兄命賊釋父兄縛女女從賊行數里

過市東橋遂躍入水

祝女位高

宋祝景先子確女妻朱松生晦翁景先兄

女妻汪勃位至樞密確弟矜女妻汪勃之子作礪位至
提刑故其鄉人謂祝女位最高又祝堯臣者景先第八

子盤之子也常奇第三女曰雖家貧不與凡子堯臣卒
後與呂午成婚兩窮相值越七年而午復中第于是祝

女位高之語復喧傳于鄉閭按呂午字拾炭題詩元

伯可朱文公書祝氏遺事午嘗跋其後

傳曰浦城徐嗣源之女名彩鸞略通經史至正十五年
青田賊寇浦城嗣源同女逃山谷賊追至持刀欲害嗣

源女前曰此吾父也寧殺我賊舍父而止女令父速去
賊拘女至桂林橋女拾炭題詩壁間乃厲聲罵賊投水
而死相繼全貞野史隆興劉氏二女長曰真年十九次
曰孫年十七皆未許嫁陳友諒兵至其
母曰城或陷置汝何所二女曰寧死不辱父母也
城陷二女相繼自縊其婢鄭奴亦縊死共全貞節

女五

原詩晉左思嬌女詩曰吾家有嬌女皎皎頗白皙小字
為纖素口齒自清歷鬢髮覆廣額雙耳似連璧明朝弄
梳臺黛眉類埽迹濃朱衍丹脣黃吻濶漫赤嬌語若連
鎖忿速乃明愷握筆利彤管篆刻未期益執書愛綈素

誦習矜所獲其姊字惠芳兩目粲如畫輕粧喜樓邊臨
鏡忘紡績舉觴擬京兆立的成復易玩弄眉頰間劇魚
機杼役從容好趙舞延袖象飛翮上下絃柱際文史輒
卷襃顧盼屏風畫如見已指摘丹青日塵閣明義為隱
蹟馳騫翔園林果下皆生摘紅葩綴紫蒂萍實驟低擲
貪華風雨中倏忽數百適務躡霜雪戲重綦常累積并
心注有饒端坐理盤榻翰墨戢閒按相與數離逖動為
壚鉦屈屣履任之適止為茶菽據吹吁對鼎鑊脂膩漫

白袖煙薰染阿錫衣被皆重池難與沈水碧任其孺子

意羞受長者責瞥聞當與杖掩淚俱向壁 增梁武帝

河中之水歌曰河中之水向東流洛陽有女名莫愁十

三能織綺十四採桑南陌頭十五嫁作盧家婦十六生

兒字阿侯盧家蘭室桂為梁中有鬱金蘇合香頭上金

釵十二行足下絲履五文章珊瑚挂鏡爛生光平頭奴

子擎履箱人生富貴何所望恨不早嫁東家王 木蘭

詩曰唧唧復唧唧木蘭當戶織不聞機杼聲惟聞女歎

息問女何所思問女何所憶女亦無所思女亦無所憶

昨夜見軍帖可汗大點兵軍書十二卷卷卷有爺名阿

爺無大兒木蘭無長兄願為市鞍馬從此替爺征木蘭

代爺去秣馬備戎行易却紉羅裳洗却鉛粉粧馳馬赴

軍幕慷慨攜干將李太白詩曰津妾一棹歌脫父於

嚴刑十子若不肖不如一女英秦韜玉貧女詩曰蓬

門未識綺羅香擬託良媒益自傷誰愛風流高格調共

憐時世儉梳粧敢將十指誇纖巧不把雙眉鬪畫長每

恨年年壓金線為他人作嫁衣裳 李山甫貧女吟曰
平生不識繡衣裳閒把金鍼亦自傷鏡裏只應諳素貌
人間多是信紅粧當年未嫁還憂老終日求媒只道狂
兩意定知無說處暗垂珠淚滴蠶箱

原哀辭魏曹植金瓠哀辭予之首女雖未能言固以授
色知心矣生十九旬而夭折乃作此辭曰在襁褓而撫
育向孩笑而未言不終年而夭絕何見罰於皇天信吾
罪之所招悲弱子之無讐去父母之懷抱滅微骸於糞

土天地長久人生幾時先後無覺從爾有期 又行女

哀辭曰行女生於季秋而終於首夏三年之中二子頻
喪伊上靈之降命何短脩之難裁或華髮以終年或懷
妊而逢災感前哀之未闋復新殃之重來方朝華而晚
敷比晨露而先晞感逝者之不追情忽忽而失度天蓋
高而無階懷此恨而誰訴 晉陸機吳大司馬陸公少
女哀辭曰冉冉晞陽不遂其茂煜煜方華凋芳落秀遵
堂涉室髣髴興想人皆有聲爾獨無響 潘岳金鹿哀

辭曰嗟我金鹿天資特挺鬢髮凝膚蛾眉螭領柔情和
泰朗心聰警嗚呼上天胡忍我門良嬪短世令子天昏
既披我榦又翦我根塊如廬木枯荄獨存捐子中野遵
我歸路將反如疑回首長顧 又京陵女公子王氏哀
辭曰猗歟公子季女惟王生自洪冑稟茲義方盼倩粲
麗窈窕淑良如彼春蘭吐葩含芳葩以霜隕芳以歇盡
彼蒼者天何寧斯忍曾未弱笄無疾而隕官朝震驚靡
人不愍嗟爾母氏劬勞撫鞠恩斯勤斯是長是有帷屏

嬌子奄離顧復哀無廢心涕不輟目于以祖之于掖閨
庭于以送之陵岡崔嵬僕馬回眷旗旒旋飛夕陽失映
晴鳥忘歸皎皎宵月載盈載微冥冥公子一往不追長
夜無旦孤魂曷依又為任子咸妻作孤女澤蘭哀辭
曰茫茫造化爰起英淑猗猗澤蘭應靈誕育鬢髮蛾眉
巧笑美目顏耀蘭茗華茂時菊如金之精如蘭之馥淑
質彌暢聰惠日新朝夕顧復夙夜盡勤彼蒼者天哀此
矜人胡寧不惠忍予眇身俾爾嬰孺微命弗振俯覽衾

襁仰訴穹旻弱子在懷既生不遂存靡託躬沒無遺類
耳存遺響目想餘顏寢席伏枕摧心剖肝相彼鳥矣和
鳴嚶嚶矧伊蘭子音影冥冥彷徨丘壘徙倚墳塋

原誠魏荀爽女誠曰詩云泉源在左淇水在右女子有
行遠父母兄弟明當許嫁配適君子竭節從理昏定晨
省夜臥早起和顏悅色事如依恃正身潔行稱為順婦
以宗彞斯百葉之祉婚姻九族云胡不喜聖人制禮以
隔陰陽七歲之男王母不抱七歲之女王父不持親非

父母不與同車親非兄弟不與同筵非禮不動非義不行是故宋伯姬遭火不下堂知必為災傳母不來遂成于灰春秋書之以為高也

原篇魏程曉女典篇曰丈夫百行以功補過婦人四教以備為成婦德闕則仁義廢矣婦言虧則辭令慢矣婦工簡則織紵荒矣是以禮有功宮家室之教詩有靡下蘋藻之莫然後家道諧允儀表則見於內若夫麗色妖容高才美辭貌足傾城言以亂國此乃蘭形棘心玉曜

凡質在邦必危在家必亡

翁壻一

增爾雅曰女之夫為壻壻之父為姻兩壻相謂曰亞

又曰同門為僚壻 又曰妻之父為外舅妻之母為外

姑 彙苑曰壻女夫也從胥聞一知十為士胥者有才

智之稱故謂女之夫為壻也 禮曰婚禮壻親見於舅

姑舅姑承子以授壻恐事之違也注舅姑妻父母也以

女授壻而戒之無令違於婦道 又曰壻揖讓而升堂

蓋親受之於父母 又曰從服者有從重而輕天為妻

之父母也 儀禮曰壻女子之夫傳曰何以服總報之

也 師古曰謂之贅壻者言其不當出在妻家亦猶人

身體有疣贅非所應有也 青城山記曰青城山為五

岳之長故名丈人峯今世俗呼人婦翁為令岳妻之伯

叔為岳 神仙傳曰丈人為岳公丈母為泰水 孫持

正曰俗呼人之妻父為岳丈以泰山有丈人峯丈人觀

也而呼妻母為泰水此何義耶然晉樂廣乃衛玠妻父

俗所謂岳丈或當云樂丈也 又曰京洛間謂壻曰倩

翁壻二

增史記曰淳于髡齊之贅壻也 又曰陳餘者大梁人

好儒術數游趙富人公乘氏以其女妻之 後漢書曰

馬融扶風人為人美辭貌有俊才初京兆摯恂以儒術
教授隱於南山不應徵聘從其游學通經籍恂遂奇融
才以女妻之 魏崔光傳曰先自從貴達罕所申薦曾

啟其女壻彭城劉敬微云敬微為荊州五隴城主女隨

夫行嘗慮寇抄南北分張乞為徐州長史兼別駕暫集
京師肅宗許之時人比之張禹 晉書曰戴淵弟邈華
譚女壻也譚常抑淵而進邈淵每銜之及用事常毀譚
於帝由是官途不至譚恒懷觖望常從容言於帝曰臣
已老矣將待死秘閣汲黯之言復存於今帝不懌久之
加散騎常侍 唐宋遺史曰韋臯字城武京兆人初張
延賞選壻無入意者其妻苗氏賢而知人特選臯曰此
人貴無比以女妻之臯性疎曠不拘細行延賞竊悔由

是婢僕頗輕慢之惟苗氏待之益厚臯因辭東游張氏
女罄奩具以治行延賞幸其去以七馱物為贐臯悉還
之惟留奩物及書籍而已後五年臯持節西川代延賞
乃改姓名作韓翱人莫敢言至大回驛人有報曰代相
公者韋臯非韓翱苗氏曰必韋郎也延賞曰天下姓名
同者甚衆彼韋生必填溝壑豈能乘吾位乎次日果韋
臯也延賞慙懼自西門潛遁臯入見苗禮奉過布衣之
日求前輕慢者皆杖殺之唐書曰楊於陵釋褐為句

容主簿時韓滉性剛嚴少接與及於陵以屬吏謁謝滉甚奇之謂其妻柳氏曰夫人常擇佳壻吾閱人多矣無如楊主簿者竟以女妻之後遷戶部尚書 五代史曰周周行逢為武平節度使壻唐德甫補吏行逢曰汝才不堪為吏吾今私汝則可矣汝居官無狀吾不敢以法貸汝則親戚之恩絕矣與之耕牛具而遣之 青箱雜記曰畢士安之壻曰皇甫泌少時不羈惟事蒲博時士安作相累諭不悛欲面奏使加貶斥方啟口云臣有女

堦皇甫泌適值邊庭有報不暇數陳他日又欲面奏值上還內遽引袖起遙語畢曰卿累言堦皇甫泌得非欲轉官耶可與轉一資畢不敢辨唯而退泌即轉殿中丞後累典大郡以尚書右丞致仕年八十五 筆錄曰晏元獻判南京范希文以大理寺丞權掌西監一日晏謂范曰吾一女及笄君為我擇堦范曰監中有二舉子富臯張為善皆可堦也晏曰然則孰優范曰富修謹張疎俊晏即取富臯為堦後改名即鄭公也為善後亦更名

方平 事文類聚曰明道先生程顥十歲能為詩賦十
二三居郡庠中如老成人故戶部侍郎彭思永至學舍
一見異之許妻以女 又曰宣徽鄭天休選王禹玉為
壻其後為丞相禹玉選鄭達夫後亦為樞相

翁壻三

擇壻併入

友壻附

原坦腹

眇目

世說太尉却鑒使門生求女壻於王導

子弟咸自矜持唯一人東牀坦腹食胡餅若不聞訪問
乃義之遂妻之 魏略太祖以丁儀令士未見欲妻之
問五官將不可及辟儀到嘉其才曰丁掾即兩目
盲亦當與女況但眇吾兒誤我五官將即文帝也

出

贅 追還

漢書賈誼曰秦人家富子壯則出分家貧子壯則出贅贅質也以身為質 魏志袁術字

公路為子索呂布女後布怨術女已在途追還絕婚

增乘龍

射雀

杜甫詩門闌多喜氣

女壻近乘龍女得賢壻謂之乘龍 下唐高祖事見前夫婦類

袒裼

褌帶

史記張耳子敖

嗣立為趙王尚高祖長女魯元公主高祖從平城過趙趙王袒裼上食禮甚卑有子壻禮高祖箕踞甚慢易之張安道平生未嘗不衣冠而食嘗暑月與其壻王鞏同飯命鞏褌帶而已衫帽自如鞏不敢公曰吾自布衣諸生遭遇至此一飯皆君賜也享君之賜敢不敬乎子自食某之食雖衾衣可也

原知張耳

奇茂先

漢書張耳亡命游外黃外黃富人女甚美嫁庸奴亡其夫去投父客父客素知張耳而遂

嫁之 晉書張華字茂先少孤貧牧羊鄉人劉放奇其才以女妻之

撾婦翁

慶女壻

後漢書帝戲謂第五倫曰聞卿為吏撾婦翁不過從兄
飯寧有之邪倫對曰臣三娶妻皆無父少遭饑亂實不

敢妄過人食

劉阮入天

姻為襄陽

辱乞會稽書

台有仙客持桃來慶女壻

劉弘都督荊州朝廷以弘壻夏侯陟為襄陽守弘曰若
必姻親然後可用則荊州十郡安得十女壻嚴助侍

宴上問所欲對曰家貧為

增不恭妻父當敬婦翁

友壻所辱願為會稽太守

孔叢子陳涉既為王妻之父往依焉涉以眾賓待之長
揖不拜父怒不辭而去陳後主曰婦父乃是翁比女

夫乃是兒例柰
何不敬婦翁

恃為心膂倩作文章

宇文泰諸子
皆幼惟以壻

為心膂六帖崔行功在北齊終鉅鹿太
守少好學唐儉愛其才妻以女倩作文奏

裴頤還錢

孝基歸產

瑣言王戎女適裴頤貸錢數萬久而未還
女歸寧戎色不悅女遽還直戎然後懽

稗史許昌士人張孝基娶同里富人女富人止一子不肖逐之富人病且死盡以家財付孝基久之見子丐於途孝基惻然謂曰汝能灌園乎荅曰如得灌園幸矣其灌園稍自力孝基復謂曰汝能管庫乎荅曰得管庫又何幸也孝基使管庫覺馴謹無他過知其能自新遂以其父所委財產悉歸之不啓書函

常誇珍玩

唐書劉晏方任權而潘炎乃其壻也雖書疏報荅未嘗輒開時稱炎有古人之風國史

補張垧尚公主在翰林常以珍玩誇于同列張涉曰此乃婦翁與壻非天子賜學士者也

力為營

救走乞品題

唐書杜黃裳執誼之婦翁初不為執誼所禮及執誼敗黃裳悉力營救既死

表還其柩葬焉

又曰給事中姚合有詩名士人歸重李頻亦能詩走千里丐其品題合大加獎挹以女妻之

禮重崔樞

受薄彥允

又曰工部侍郎張或李晟之壻也晟在鳳翔又以一女嫁之

幕客崔樞禮重之過於或或怒遂附於張延賞唐崔
圓李彥允壻受薄於彥允彥允後受偽官當誅圓為相
請贖得流嶺外

書藏經笥

詩得津梁

談藪揚玠娶博陵崔
季讓女崔富圖籍殆

將萬卷成婚之後玠游其書齋既而告人曰崔氏書被
人盜盡曾不之覺崔遠令人檢之玠捫腹曰已藏經笥
矣又曰宋謝師厚為其女擇對見黃山谷詩曰吾得
壻如是足矣庭堅往求之庭堅之詩卒從謝公得句法
故山谷詩云自往見謝公論詩得津梁

富商能識

處士見奇

唐書王
琚謀刺

武三思事洩亡命自傭於揚州富商家商識其非常人
以女妻之五代史姚顗少蠢不修容止時人莫之知

中條山處士司空圖一
見以為奇以其女妻之

性似婦翁

夢為子壻

宋呂
公著

壻范祖禹呂希哲壻趙演二人性氣酷似其婦翁蘇
東坡哭王子立云予為密州子立未嘗相識忽告同舍

生曰吾夢為密州壻何也
已而果以子由之子妻之

戲乘竹馬

嘗駕肩輿

後漢

書陶謙字恭祖年十四綴帛於牆乘竹馬而戲邑中同
縣甘公出遇之見其容貌駐車與語甚悅因許以女夫
人怒曰陶家兒遊戲無度何可以女妻之甘公曰彼有
奇表長必成材遂妻之後為徐州牧封溧陽侯太原
王述謝萬之妻父也為揚州刺史萬嘗衣白綸巾乘平
肩輿徑至廳事前謂述曰人言君侯癡君侯信自癡述
曰非無此論

但晚合耳

文章第一

名位相當

宋史杜祁公衍有女夫人鍾愛

必求佳壻衍曰文章器業天下第一無如蘇舜欽乃以
女妻之宋朝公卿多有知人之明見於擇壻如趙參

政昌言之壻為王文正公旦王文正公旦之壻為韓忠
獻公億呂惠穆公弼之壻為韓文定公忠彥李侍郎虛
已之壻為晏元獻公殊殊之壻為富文忠弼與楊尚書
察富文忠弼之壻為馮宣徽京陳康肅堯咨之壻為賈

文元昌朝與曾宣靖公亮其後翁壻
名位風節往往相當前代所不及也

師稱為快帝

歎其佳

後魏書劉延明年十四就博士郭瑀學弟子五百餘人瑀有女選壻意在延明設一席曰吾有

女欲覓一快壻誰坐此者吾當妻焉延明奮衣而坐曰
延明其人也遂妻之唐紀權德輿為相其壻翰林學
士獨孤郁以嫌自白去內職憲宗
歎曰德輿乃有佳壻我反不及耶

賣犬遣嫁繫羊

為禮

上吳隱之事見女類宋孔淳之與王敬弘友敬
弘以女適淳之子以烏羊繫所乘車轅提壺為禮

至則盡歡共飲迄暮而歸或問其
故荅曰此亦農夫田婦之禮也

翁求名士女識

大魁

澠水燕談孫明復先生居泰山之陽枯槁顚顚鬚
鬢皓白家貧不娶故相文定公李迪就見之歎曰

先生年五十獨居誰事左右吾弟之女甚賢可以奉箕
帚先生固辭石介與其羣弟子進曰公卿不下士久矣

今丞相欲託以子是高先生名義也先生曰宰相女不以妻公侯而以嫁山谷袁老藜藿不充之人予不可不成相國之賢名遂娶之其女事先生盡禮先生後以富弼薦除國子監直講南部新書李翱尚書牧江淮郡日進士盧儲投卷來謁李置文卷几案間長女及笄見文卷尋繹數四謂小青衣曰此人必為狀頭李公聞之深異其語及納為壻來年果狀頭及第纔過殿試即赴佳期

遂牽紅線兼賜緋

衣天寶遺事郭元振少美宰相張嘉貞欲納為壻曰吾女各有姿色但不知誰是配偶使五女各持一線於

幔前取便牽之元振欣然從命遂牽一紅線乃第三女果有姿色酉陽雜俎明皇封禪泰山張說為封禪使

說女壻鄭鑑本九品官舊例封禪後自三公以下皆遷轉一級惟鄭鑑因說驟遷五品兼賜緋衣因大酺明皇

見鑑官位騰跳怪而問之鑑無辭族呼鵲雀底有以對黃幡綽曰此乃泰山之力也

麟麒

唐韋誥為潤州刺史裴寬時官參軍誥一日望見

麟麒寬於後園有所瘞藏召問之曰適有人餉鹿委而

去寬義不以苞苴汙家故瘞之誥嗟異謂妻曰常求佳

壻今得矣明日幃其族使觀之寬衣碧衣瘠而長族人

皆笑呼為碧鶴雀後勲德著聞官至尚書三十國春

秋前趙殷州刺史杜廣初為劉景廐卒以馬肥良引為

直士侍立通夜未曾休倦景執其手曰吾久負賢者

謂其妻曰為女求夫三年不覺廐有麒麟於是妻之

友壻雅號同門

詩稱姻亞

上爾雅見前
下詩瑣瑣姻亞

相稱曰

亞共謂為私

上爾雅見前
下詩見姊妹類

叔隗季隗

大喬小

喬

上見姊妹類

吳志周瑜字公瑾為中護軍從孫策

攻皖得喬公兩女皆國色策自納大喬瑜納小喬策

從容戲瑜曰喬公二女雖流

離得吾二人為壻亦足為歡
同日成婚
一時連袂

上崔休事見姊妹類
李晉卿有二女其子與岳州判
官王樂道布衣滕元發相善李死語家人曰長女配樂

道次者元發二壻足矣二人遂皆連袂次舉元發
登科不日相繼翰林遂為兩府世傳李氏女多貴
俱

娶韓女 同為曹壻
李漢字南紀韓愈之門人與蔣係
皆為愈子壻 南史謝誨庾登之

俱曹氏壻誨為荊州刺史請登之為長史
登之意甚不愜故到任駸初無感謝之言
皆娶盧女

同為薛壻
唐光韓愈俱娶盧貽府君女 宋王友
拱辰歐陽修同為薛簡肅公子壻

壻四人 締姻五女
唐牛僧孺長女適苗愔次適張洙
三適張希復四適鄧叔四人為友

壻 宋史張方平子恕娶滕達道第
五女與何洵真王渙之並為友壻

翁壻四

增館甥貳室

孟子帝館甥於貳室注妻父曰外舅謂我為舅者吾謂之甥

謀及婦

人

左傳鄭祭仲專厲公患之使其壻雍糾殺之雍姬知之謂其母曰父與夫孰親母曰人盡夫也父一而已

何可此也遂告祭仲曰雍氏舍其室而將享子于郊吾惑之祭仲殺雍糾尸諸周氏之汪公載以出曰謀及婦

人宜其死也

趙之側室

左傳趙有側室曰穿君之壻也

原請倩

史記黃氏請倩

注倩女壻也

美如陳平

史記陳平欲娶富者莫肯與貧者平亦恥之富人張負有女五嫁而

夫輒死人莫敢娶平欲娶之負謂其子仲曰吾欲以女妻平仲曰平貧不事產業負曰人有美如陳平而長貧

賤者乎遂以女妻平

賢如伯鸞

後漢書梁鴻字伯鸞同縣孟氏有女狀肥醜而黑力舉石曰擇

對不嫁年至三十父母問故女曰欲得賢如梁伯鸞者鴻聞而娶之

呂範與婚

吳志呂範字子

衡少為縣吏有姿容邑人劉氏家富女美範求之母嫌欲勿與劉氏曰觀呂子衡寧久貧賤耶遂與婚

增指濬告母

晉書王濬字士治為河東從事刺史徐邈有女才淑擇夫未嫁邈乃大會佐史令女

於內觀之指濬

冰清玉潤

又曰樂廣字彥輔人謂之冰鏡女壻衛玠字叔寶時

告母邈遂妻焉

號玉人故時語曰婦

見蛇不怖

宋書劉秀之十餘歲時與諸兄戲忽有一

翁冰清女壻玉潤

大蛇來勢甚猛莫不驚怖秀之獨不動衆共異焉東海何承天雅相器許以女妻之

必居此座

南部新書封德彝即楊素之壻素為僕射嘗撫其座曰封郎必居此座後果如其言

仕為宰相

唐書陝州刺史王當有女令表天網擇壻曰惟果毅姚某有貴子宜嫁之時人笑焉乃姚崇也時二十三好獵

都未知書母勸令讀書折節向學以晚節入仕位至宰相

貴顯朝廷

又曰郭子儀七壻皆貴顯

朝廷

文振道大

臨川集昔韓昌黎為唐儒宗得子壻李漢然後其文益振其道益大

為

君半子

劉禹錫祭楊庶子文乃命長嗣為君半子

桐葉為媒

詩話蜀尚書侯繼圖本儒

士一日秋風四起倚樓有大桐葉墜下葉上有詩云拭翠斂雙蛾為鬱心中事桐葉下庭除知我相思字侯貯中箱凡五六年卜任氏為婚始知為任氏所書

翁壻五

增詩宋陳后山詩曰丈人東南來復向西南去連年萬里別更覺貧賤苦王事有程期親年多喜懼畏與妻子別已復迫暝暑何者最可憐兒生未知父蘇東坡和

王子立風雨敗書屋有感詩曰婦翁不可撾王郎非嬌
客十年為從學苦淡共陘厄燕雀嗤鴻漸犬羊睨麟獲
偶逢涇渭分昨夢春冰釋平生五車書纔吐二三策已
作謗薰天金珠果可益君窮一窓下風雨更削迹詩工
知學進詞苦見意迫俗情傲倩贅婦舍不暖席南治從
東來不聞被嘲劇師儒難並世日月過箭疾公今未有
田把筆耕六籍

乳母一

增禮內則曰大夫之子有食母士之妻自養其子食母乳母也士卑故自養

乳母二

增後漢書曰安帝時太后臨朝帝不親政事小黄門李閏與帝乳母王聖嘗共譖太后兄執金吾鄧悝等言欲廢帝立平原王德帝每忿懼及太后崩遂誅鄧氏而王聖女伯榮扇動內外競為侈虐明年帝崩立北鄉侯為天子王聖及黨皆見徙

乳母三

庶母

慈母

保母

生母

孩幼

童州並附

原令取玉環

為之練冠

晉書羊祜五歲時令乳母取所弄玉環即詣鄰人李氏東

垣桑樹中探得人以李氏子祐前生也禮記昔者魯昭公少喪其母有慈母良及其死也欲喪之有司以聞

曰古之慈母無服今君為之服是逆古典公不忍為之練冠自昭公始也

所使教子不

令從邊

禮記外有師傅內有慈母君命所使教子也何服之有史記漢武少時東武乳母常養帝詔

令乘車馳送乳母子孫奴婢橫暴不忍致法有司請從於邊郭舍人謂乳母曰入辭去勿疾行而數回顧乳母

如其言舍人叱之曰何不疾行陛下壯矣寧須汝乳帝悟乃不令乳母從邊

抱元兼重

蔽射俱亡

桓靈寶初生魁偉奶母每抱詣溫輒易人而後至重兼常兒也列女傳魏節乳母者魏

公子乳母也秦破魏皆誅諸公子乳母與公子俱亡秦
軍追見爭射之乳母身蔽公子公子與乳母俱亡秦王
義之葬之
以卿禮
增密求顧況
慰諭姚坦
唐書韓晉公為
浙西觀察使有

乳母通求外事公欲殺之密求顧況營救況詣公問之
公曰天下皆知某守禮法乳母先犯之況曰公幼時早
起夜卧即要乳母今為侯伯乳母焉用哉誠宜殺之也
公遽捨之網鑑蓋王元傑宋太宗第五子也王每有
過失翊善姚坦輒盡言規正左右教王稱疾帝憂甚召
乳母問狀乳母曰王本無疾徒以姚坦拘束不得自便
耳帝曰吾選端士輔王為善今乃使我逐正人王年少
豈解此也必汝輩教之耳杖乳母於後園召坦慰諭之

率視窆封

親為銘誌

韓文乳母李氏徐州人號正
真為韓氏家乳其兒愈愈生

未再週月孤失怙恃李氏憐不忍棄去視保益謹遂老
韓氏及見其所乳兒愈舉進士第歷佐汴徐州入朝為

御史國子博士尚書都官員外郎河南令娶婦生二男
五女時節受慶賞愈輒率婦孫列拜進壽年六十四病
卒葬河南縣北愈率婦孫視窆封且刻其語於石
納諸墓為銘
下蘇子瞻乳母事見後志銘內
增

庶母妾稱少母

符無外家

朱子語錄五峯稱妾為少
母爾雅婦謂夫之庶母為

少姑 王符傳安定俗鄙庶孽而符無外家為鄉人所
賤隱居著書以譏當世得失不欲章顯其名故號潛夫

不便激裳

母令進饌

禮記諸母不激裳注曰諸母
父妾之有子者激浣也裳賤

服不使激裳亦敬父之道也 崔道固為宋諸王參軍
被遣青州募人長史以下並詣道固道固諸兄弟逼其

所生母自致酒炙於客前道固驚起謂人曰家無人力
老親自執劬勞諸客皆知其諸兄所使咸拜其母母謂

道固曰我賤不足以報貴汝宜荅拜
諸客皆歎美道固母子而賤其諸兄

屈節為妾 受

聘持家

晉周顗母事見女類 陶侃母湛氏新淦人初侃父丹聘為妾生侃陶氏貧賤母紡績持家

增慈母以貴父命 皆居子室

禮慈母如母傳曰妾之無子者妾子之無

母者父命妾曰汝以為子命子曰汝以為母若是則生養之終其身如母死則喪之三年如母貴父之命也又內則異為孺子室于宮中擇于諸母與可者必求其寬裕慈惠溫良恭敬慎而寡言者使為子師其次為慈母其次為保母皆居子室

慈不服喪 妾弗世祭

上詳前 禮喪服小記慈母與

妾母不世祭也注云不世祭者謂子祭之而孫不祭也

增保母為孺子室 作

保母銘

上見慈母注 蘇東坡銘保母墓先大夫之妾楊氏名金蟬眉山山人年三十始隸蘇氏頽然順

善也為弟轍子由保母年六十八熙寧十年六月己丑卒葬于徐州屬續不亂子由官于宋載其柩殯于開元

僧寺後八年軾自黃遷汝過宋墓之于宋東南三里廣壽院之西銘曰百世之後陵谷易位知其為蘇子之保母尚勿毀也

增生母鞠獄得母

棄官尋親

漢書杜羔有至性其父為

河北一尉而卒母非嫡經亂不知所之會堂兄兼為澤潞判官鞠獄私第有老婦辨對見羔出入竊語人曰此少年狀類吾夫訊之故羔母也遂迎侍而歸羔官至工部尚書東軒筆錄司農少卿朱壽昌方在襁褓而所生母被出及長仕於四方孜孜尋訪不獲治平中官至正郎矣或傳其母嫁為關中民妻壽昌即棄官入關中得母於陝州士大夫嘉其孝節多以歌詩美之

乞追母服

泣奉親歸

東坡志林

蔡廷慶所生母已亡不為服久矣聞李定不服所生母服為臺中所評乃乞追服則知蟹匡蟬緜不獨成人之弟也又曰謝用母馬氏苦於嫡還其母家改適孚溪用長始知為馬所生日夜籲天求得其母一日宿農家

有寡嫗彼此相告以故
即馬氏也涕泣迎歸

來往兩家

誕生二子

聞見錄陳

璿之父與潘良貴之父情好甚密潘一日謂陳曰吾二人官職年齒相似獨一事不如公陳問之潘曰公有三子我乃無之陳曰吾有一婢已生子矣當以奉借他日生子即見還既而遣至即了翁母也未幾還潘氏生良貴其母遂來往兩家焉江湖記聞乾道間單尚書夔生母本媵也生尚書後往耿氏生侍郎延年及死尚書侍郎爭葬其母事達朝廷孝宗曰二子母爭朕為葬之衣冠之家以為美談

原孩幼五月

能言終日不噉

莊子老聃曰舜之治天下使民心競民孕婦十月生子子生五月能言

老子嬰兒之末孩終日號而不噉

原童州稚齒

童心

稚齒十歲也左傳魯昭

公年十九猶有童心

隅坐

晏起

禮記童子隅坐而執燭隅坐者不與成人並禮又曰孺

子早寢晏起唯所欲食
無時注孺子幼子也

羈貫總角

穀梁云子生羈貫成童成童不

就師父之罪也羈貫謂交
午翦髮也詩總角卅兮

負劒舞勺

禮記負劒辟
唄詔之則掩

口而對謂若負劒抱之也
又曰十三學樂誦詩舞勺

不衣裘

能奉雉

又曰童子不衣

裘裳言太溫也傳豎牛母曰予
子長矣能奉雉以從我蓋五六歲

佩鞶佩觿

不踴

不杖

詩童子佩觿童子佩觿
不偯不踴不杖不菲不廬

禮記童子哭
注不簡禮也

乳母四

增鳳凰九子

談藪宋何承天為著作郎時新著作多貴
游少年或戲承天為妳母承天曰鳳凰將

九子妳母
何嫌耶


乳母五

增誌銘宋蘇子瞻乳母銘曰乳母任氏名採蓮眉州眉山父遂母李氏事先夫人三十有五年工巧勤儉至老不衰乳母亡姊八娘與軾養視軾之子邁迨過皆有恩勞從軾官於杭密徐湖謫於黃元豐三年八月壬寅卒於黃之臨臯亭享年七十有二十月壬午葬於黃之東臯黃岡縣之北銘曰生有以養之不必其子也死有以葬之不必其里也

御定淵鑑類函卷二百五十一

謹案卷二百五十第十二頁前三行其自唐叔以
下實寵嘉之刊本唐訛康今改

卷二百五十一第三頁後三行王廣仕劉聰為西
揚州刺史刊本缺聰字據晉書列女傳補



總校官庶吉士臣張能照
校對官檢討臣王福清
謄錄舉人臣勵守訓

欽定四庫全書薈要

子部

御定淵鑑類函卷二百五十二

三

詳校官兵部主事臣雷純

欽定四庫全書薈要卷一萬一千七百

子部

御定淵鑑類函卷二百五十二

人部十一 師 交友

師一

增釋名曰古者稱師曰先生 彙苑曰師法也人之模

範所以傳道授業者曰師 周易曰蒙亨匪我求童蒙

童蒙求我 又曰蒙以養正聖功也 禮記曰入學鼓

篋孫其業也 又曰學者有四失教者必知之人之學

也或失則多或失則寡或失則易或失則止此四者心之莫同也知其心然後能救其失也師也者長善而救其失者也原又曰凡學之道嚴師為難師嚴然後道尊道尊然後民知敬學是故君之所不臣於其臣者二當其為尸則弗臣也當其為師則弗臣也太學之禮雖詔於天子無北面所以尊師也善學者師逸而功倍又從而庸之不善學者師勤而功半又從而怨之增又曰君子知至學之難也而知其美惡然後能博喻能博

喻然後能為師能為師然後能為長能為長然後能為君故師也者所以學為君也擇師不可不慎也大戴禮曰帝入大學承師問道原穀梁魯昭公云就師學問無方心志不通師之罪也增周禮地官曰師氏掌以嫗詔王以三德教國子一曰至德以為道本二曰敏德以為行本三曰孝德以知逆惡教三行一曰孝行以親父母二曰友行以尊賢良三曰順行以事師長居虎門之左司王朝掌國中失之事以教國子弟凡國之貴

游子弟學焉 原老子曰善人不善人之師 荀子曰

學不可已青出於藍而青於藍冰出於水而寒於水

增呂覽勸學篇曰聖人生於疾學不疾學而能為魁士

名人者未之嘗有也疾學在於尊師師尊則言信矣道

論矣故往教者不化召師者不化自卑者不聽卑師者

不聽師操不化不聽之術而以彊教之欲道之行身之

尊也不亦遠乎學者處不化不聽之勢而以自行欲名

之顯身之安也是懷腐而欲香也是入水而惡濡也

韓詩外傳曰上主以師為佐 又曰智如泉源行可以
為儀表者人之師也 桓譚新論曰談言三歲學不如
三歲擇師 孫卿子曰師術有四尊嚴而憚可以為師
耆艾而信可以為師誦說不凌可以為師知微而論可
以為師夫人雖有性質美而心辯智必將求賢師而事
之擇良友而友之夫達師之教也弟子安焉樂焉休焉
游焉肅焉嚴焉此六者得於學則邪僻之道塞矣此六
者不得於學則君不能令於臣父不能令於子師不能

令於徒

師二

增呂氏春秋曰神農師悉諸黃帝師大撓帝顓頊師伯夷父帝嚳師照帝堯師子州父帝舜師許由禹師大成摯湯師小臣文王武王師呂望公旦齊桓公師管夷吾晉文公師舅犯隨會秦穆公師百里奚公孫枝楚莊王師孫叔敖沈申吳王師伍子胥文之儀越王勾踐師范蠡此十聖六賢未見不尊師者也 韓詩外傳哀公問

於子夏曰然則五帝有師乎子夏曰臣聞黃帝學乎大
墳顓頊學乎綠圖帝嚳學乎赤松子堯學乎務成子附
舜學乎尹壽禹學乎西王國湯學乎貸子相文王學乎
錫疇子期武王學乎太公周公學乎號叔仲尼學乎老
聃此十二聖人未遭此師則功業不能著乎天下名號
不能傳乎後世也 新序曰黃帝學於太真堯學於尹
壽舜學於務成湯學於成子伯文王學於鉸時子思武
王學於郭叔 莊子天地篇曰堯之師曰許由許由之

師曰齧缺齧缺之師曰王倪王倪之師曰被衣 史記

曰文王為西伯鬻熊為文王師有功於文王早卒及武
王滅殷未之封也成王舉勤勞之後封其曾孫熊繹為
楚子 後趙錄曰張躍清河武城人學敏才達雅善清
談石勒偉其儀辨拜世子衛軍長史勅世子曰張長史
人之表範汝其師之 宋傳曰宋高祖踐阼召周續之
禮賜甚厚為開館東郭外招集生徒乘輿臨幸并見諸
生 憲章錄曰明太祖謂禮部尚書劉仲質曰國學新

成朕將釋菜令諸儒議禮議者曰孔子雖聖人臣也禮
宜一奠再拜朕以為聖如孔子豈可以職位論哉先師
之禮宜特加尊崇於是仲質與儒臣定議其儀將釋菜
之前上出御幄就位百官各就位執事官跪進爵上獻
爵神主前再拜百官皆再拜詔從之

師三

原叩鐘

鳴鼓

禮記善待問者如撞鐘叩之以小者則小鳴叩之以大者則大鳴待其從容然

後盡其聲不善答問者反此謝承後漢書董卓字紀陽會稽餘姚人為師立精舍遠方門徒學者常數百人

諸生每升講堂鼓三通
橫經捧手請問者百人

在三

有四

崔鴻後秦錄初
姚泓之為太子

受經於太學博士淳于岐岐在家泓以師者人之表範
傳先聖之訓加在三之義不可以不重親詣省病拜于

牀下

孫卿子曰師有

主善

司成

尚書德無常師
主善為師禮

四術而傳習不與焉

記學正司業父師司成一有元良萬

北海

西河

後漢

國以貞世子之謂也注曰司主也

書鄭康成北海人也好學日夜討誦未嘗怠倦學徒相

尋數百千人國相孔融深敬之特立一鄉曰鄭公鄉廣

其門曰通德門禮記子夏哭子喪明曾子弔之曰吾

與汝事夫子於洙泗之間退而老於西河之上使西河

之人疑汝於夫子其罪

築宮

架廟

史記鄒子如燕
昭王擁篲先驅

一也注曰言其不稱師

請列弟子之禮而受業築碣石宮身親往師之干寶

搜神記介琰者不知何許人吳先主時從北來云從其

師曰羊公入東海吳主留琰乃架宮廟一日之中數遣人往問起居或見琰如十六七童子或如壯年吳主欲學術琰以帝常多南郭東陵列子列子既師壺丘內御積月不教子林友伯昏瞽人反

居南郭從之處者百數王智深宋紀上詔徵士周勣於東陵立學裏糧受業者百餘人增請業

執經禮記請業則起請益則起漢書于定國為廷尉迎師受春秋身執經北面備弟子禮

杏壇槐市家語孔子與弟子習業杏壇之下華嶽記華嶽西北各有槐市揚震講學授徒成

市其處多槐故號焉著譜作箴唐書韋表微以學者薄師道不如聲樂賤工能尊其師乃

著九經師授譜以詆其違柳宗元以世之為人師者衆笑之為友者不以道而以利因作師友箴以儆己又

以誠人云原聘玉帛加金紫陳留志婁望字次子雍丘人少受春秋與少府丁子

然以節操稱趙孝王聞其名遣大夫齋王帛聘望為師望不受徐爰宋書武帝登祚加顏延之金章紫綬領

湘東王師增間三席立四科禮記大司成論說在東序凡侍坐于大司成者遠近

間三席可以問也漢許商從周堪受尚書著五行論號其門人林子高為德行吳章為言語王吉為政事齊

幼卿為文學為彥真沉靜玄覽純和崔鴻前燕錄

孔門四科焉平原人經學博通為世純儒非禮不動慕容廆重其德學使太子晃師事之魏收後魏書梁越字玄覽新興

人少而好學博綜經傳無所不通性淳和篤信行無擇善魏初為禮經博士廣聚生徒

大修庠序漢書何休質朴訥口而雅有心思精研六經世儒無及者嘗作公羊墨守左氏膏肓穀梁

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

廢疾除北新長大作講舍聚生徒數百朝夕自往勸解儒化大行晉書虞溥字允源篤志文典大修庠序廣

招學徒謂學之
染人甚于丹青

鶴雀銜鱸

鱸蛙充饌

後漢書楊震
嘗客于湖有

鶴雀銜三鱸魚飛入講堂前都講取魚進曰蛇鱸者卿
大夫服之象也數三者法三台也先生自此升矣黃

山谷戲答史應之詩歲晚亦無雞可割庖
蛙煎鱸薦香醪以應之常為童子師故云

事若嚴君

教成進士

魏書常爽置館于溫水之右門徒七百餘
人立訓甚嚴有勸賞之科弟子事之若嚴

君唐書柳宗元徙柳州刺史南方為進士者千
數皆數千里從之游凡經指授者為文詞皆有法

蒲

衣八歲

項橐七

齡

莊子蒲衣八歲為舜師
史記項橐七歲為孔子師

蘇張

從學

房杜受書

鬼谷子姓王名詡晉平公時人蘇秦
張儀從之學授捭闔之術十二章轉

九祛篋二章

唐書王通

字仲淹北面受學者皆當世
偉人如竇威賈瓊姚義受禮溫彥博杜如晦陳叔達受

樂杜淹房喬魏徵受書李靖薛方裴晞王珪受詩叔
恬受元經董常仇璋薛收程元備聞六經之大義

教傳洙泗

道講河汾

史記孔子設教于洙泗之上修
詩書禮樂弟子彌衆至自遠方

隋書文中子講
道河汾著六經

吾之師表

世曰通儒

潁川荀淑
遇黃憲于

逆旅時年十四淑竦然異之揖與語終日不能去謂憲
曰子吾之師表也馬融本傳融才高博學為世通儒

養諸生嘗
有千數

學非一師

業傳四遠

前漢書夏侯勝始
昌族子始昌授勝

尚書後從簡卿學所問非一師唐李善坐與賀蘭敏
之善流姚州遇赦還居汴鄭間以文選講授諸生四遠

並傳其業
號文選學

講學盈千

執經數百

後漢儒林傳牟長
為博士諸生講學

者千餘著錄前後萬言
員等起拜學官為之師表

李栖筠表薦河南褚冲吳何
執經問義遠邇慕生徒

數百人

分封萬戶

翼贊一人

漢書張良曰今以三寸舌為帝者師封萬戶位

列侯此亦布衣之極于良足矣唐書高祖鎮太原時引張後胤為客以經授秦王太宗即位賜宴月池帝從容曰今日弟子何如後胤曰昔孔子門人三千達者無子男之位臣翼贊一人乃王天下計臣之功過于先聖帝為之笑

鼓琴吹笛

奏雅歌詩

後漢書馬融善鼓琴好吹笛達生任性不拘儒

者之節居宇器服多存侈飾教授生徒弟子以次相傳胡安定在學時每公私試罷掌儀率諸弟子會于首善堂合樂奏雅歌詩乙夜乃散諸

不墜西河

同師

北海

南史何尚之字彥德元嘉中為丹陽尹居南郭外立學聚生徒東海徐秀廬江何曇黃回潁川荀子

華太原孫宗昌王延秀魯郡孔惠宣並慕道來游謂之南學王球嘗云尚之西河之風不墜尚之亦曰球正始

之風尚在北史賈思伯與弟思同同師北海陰鳳業
竟無資酬之鳳遂質其衣物時人為之語曰陰生讀書
不免瘕不識雙鳳脫人衣及思伯之部送教隱龍門
縑百匹遺鳳因具車馬迎之鳳慙不往

學傳鹿洞

彙苑伊川先生隱居龍門止四方學者曰尊所聞行所知可矣不必及吾門也韻

府唐李渤與弟涉俱隱廬山養一白鹿
南唐建學館以李道為洞主掌其教授

講學結廬

開門成市

孔帖表滋彊學博記少依道州刺史元結讀書自解其義結重之後客荆郢間起學廬教

授宋書沈麟士隱吳差山講經教授從學之士數十百人各營室宇依止其側時人語曰吳差山中有賢士

開門教授
成都市

官授太常位遷詹事

漢書鼂錯潁川人學申商刑名于軹

張恢生所與洛陽宋孟劉帶同師以文學為太常掌故
漢書孔霸治尚書事太傅夏侯勝昭帝六年為博士

宣帝時為大中大夫以選授皇子經遷詹事高密相元帝即位徵霸以師爵關內侯號褒成君

萬物

為師

一編修禮

符子玄冥子謂由有子曰吾將以萬物為師矣後

漢書顯宗以張酺授皇太子業甚得輔導之體章帝即位出守東郡元和二年東巡狩幸東郡引酺及門生并郡掾吏俱會庭中帝先備弟子之儀使酺講尚書一篇然後修君臣之禮賞賜殊特

市宅傳經

闔門教授

後漢書張霸字伯饒幼號張曾子後博覽五經孫林等慕之各市宅其傍以就學焉

後漢書盧植字子幹涿郡人少與鄭康成俱事馬融學成辭歸闔門教授

門弟扣門

貫箭

韓詩外傳堂衣若扣孔子之門曰丘在乎丘在乎子貢曰子何言吾師之名焉堂衣曰子何年少言

之絞乎子貢曰大車不絞則不成其任琴瑟不絞則不成其音子之言絞是以絞之也堂衣曰吾始以鴻之力

今徒翼耳子貢曰非鴻之力安能舉其翼魏志揚政
從范升受易升為後妻所告政以箭貫耳抱升子伏道

側頌冤帝感曰乞楊生師也即出升

趨步

唯諾

家語顏淵問於仲尼曰夫子步亦步夫子

趨亦趨夫子馳亦馳

夫子奔軼絕塵而回瞠乎其後矣曲禮振衣趨隅必慎唯諾此弟子侍先

生之禮也

祛衣

負笈

韓詩外傳孟嘗君請學於閔子使車往迎閔子閔子曰禮有來學無

往教于是孟嘗君曰敬聞命矣明日祛衣請見漢書蘇章負笈追師不遠千里

坐風

立

雪

涪陰紀善錄朱公揆見明道于汝歸謂人曰光庭在春風中坐了一箇月又游定夫楊中立初見伊川

伊川瞑目而坐二子侍立既覺顧謂曰爾輩尚在此乎今既晚且休矣及出門外雪深三尺

躡屩

下牀

上酈原事見後探玉探珠注海內先賢傳仇覽字季智郭泰賈刺從之日暮求留宿明旦泰

下牀拜之曰君
非泰友泰師也

監庫 棄車

宋史趙蕃受業于劉清之清之守衡州乃求監

安仁瞻軍酒庫因以卒業至衡而清之罷即丐祠從清之歸其後真德秀書之國史曰蕃于師友之際如此肯

負國乎後漢書趙偉字君長恥于廝役遂棄車馬詣資中杜撫授書二十餘年

獻粟 束

段漢書賈逵通經門弟來學不遠萬里獻粟盈倉或曰逵非力耕乃舌耕也唐歸崇敬傳學生謁師贄用

服脩一束酒一壺衫布一裁色如師所服師出中門延入與坐割脩酌酒三爵止乃發篋出經摠衣前請師為

說大略然後就室朝晡請益師二時堂上訓授道義示以文行忠信孝弟睦友旬省月試時考歲貢執

經壘畔聽講壁間易及古文尚書家貧牧豕澤中遠

人從學者皆執經壘畔以隨之世說服虔字子慎將注春秋欲參考同異聞崔烈集門生講傳遂匿姓名為

烈門人賃作食每至講時輒竊聽戶壁間既知其不能踰已稍共書生叙其短長烈聞不測何人然素聞虔名意疑之明早往未及晤便呼子慎子慎虔不覺驚應遂相與友善

三年不學數日

辭歸

說苑公明宣學于曾子三年不讀書曾子曰宣三年不學何也公明宣曰安敢不學宣見夫子居宮

庭親在呵叱之聲未嘗至於犬馬宣見夫子之應賓客恭儉宣見夫子之居朝廷嚴臨下而不敢傷此三者宣悅之學而未能宣安敢不學乎曾子避席謝曰參不及此唐書沈重講學授徒徐曠從之不數日辭歸曰先生所說紙上語耳若

從授春秋

咸稱詞學

漢書嚴彭祖字

與境猶有所未見者

公子與顏安樂俱事眭孟孟弟子百餘人惟二子能質問疑義孟曰春秋之學在二子矣由是公羊春秋有嚴顏之學唐書賀德仁越州山陰人少與從兄德基俱事國子祭酒周弘正咸以詞學見稱時人語曰學行可

師賀德基文質
彬彬賀德仁

申公弟子 韓氏生徒

漢書申公弟子為博士者

十餘人孔安國至臨淮太守周霸夏寬為內史魯陽至東海太守繆生為內史徐偃為中尉盧全傳賈島劉

又皆韓門弟子

不念是非 必慚禮樂

列子列子師老商氏友伯高子進二子之

道乘風而歸尹生聞之從列子居請斲其術列子曰自吾之事夫子友若人也三年之後心不敢念是非口不

敢言利害始得夫子一盼而已五年之後心庚念是非口庚言利害夫子始一解顏而笑七年之後從心所念

庚無是非從口所言庚無利害夫子始一引吾並席而坐九年之後橫心之所念橫口之所出亦不知我之是

非利害歟亦不知彼之是非利害歟亦不知夫子之為我師若人之為我友內外進矣庚更也向也唐書魏

徵曰大業之際徵也嘗與諸賢侍文中子先生謂徵及房杜曰生輩雖聰明特達然非董薛陳仇之比雖逢明

主必慚
禮樂

採玉探珠

吟風弄月

魏志邴原遠游學詣安丘孫崧崧辭曰君

鄉里鄭君師模也君乃捨之躡屩千里所謂以鄭為東家丘原曰人各有志有登山而採王者有入海而探珠者豈可以登山者不知海之深入海者不知山之高哉君謂僕以鄭為東家丘則君以僕為西家之愚夫耶

宋史周敦頤為南安軍司理洛人程珦攝通守事與敦頤語知其學為知道也使其子顥頤受學焉顥常曰自見周茂叔後吟風弄月

上畏鷹鷂

欲摧鸞鳳

說苑成回

以歸有吾與點也之意
學於子路三年回恭敬不已子路問其故對曰回聞之行者比於鳥上畏鷹鷂下畏網羅行年七十常恐行節之虧是以恭敬待天命子路稽首曰君子哉
零陵先賢傳劉先主欲遣周不疑就劉巴學巴曰昔游荆北時涉師門記問之學不足紀名猶天之南箕虛而不用賜書乃欲賢甥摧鸞鳳之翮游燕雀之宇將何以啟明之

哉

不稱官閥 雖自君恩

世說東漢應劭字仲遠博學多聞舉高第拜泰山太

守嘗自贊於鄭康成曰故泰山太守應仲遠北面稱弟

子何如康成笑曰仲尼之門考以四科回賜之徒不稱

官閥劭有慙色唐李裕薦師疏云前試宣州溧水縣

尉胡震博通六經華皓一志臣童幼之時從震授業豈

謂年踰四紀位列三公雖自君恩

亦由儒訓幸因家舊事輒敢薦聞

語曰青藍 詩云

梁棟

志林李謚初師事小學博士孔璠後璠復就謚請業同門生語曰青成藍藍謝青師何常在明經

王安石贈胡安定先生詩云先收先生作

受易東歸

棟梁次第收拾桷與榱榱榱喻門人也

忘年北面

漢書丁寬字子襄梁人也初梁項生從田何受易時寬為項生從者讀易精敏才過

項生遂師何學成寬謝何東歸何謂門人曰易以東矣

隋賈瓊曰文中子十五為人師陳留王孝逸先達之

傲者也然白首北面豈以年乎

教諭款密

學問淵源

上任後唐庾

宋史呂希哲始與程頤同游學察其學問淵源非他人比首以師禮事之由是知見日益廣大

杖

策騎驢

擔囊負笈

後漢書李固郃之子也少好學改易姓名杖策騎驢負笈從師不遠

千里遂究覽墳典為世大儒類纂吳商學通五經百氏四方學者擔囊負笈不可勝數

原死喪

議服

藏衣

晉禮志古無師服之制新禮齊哀三月摯虞議宜依舊無服詔從之魯國孔廟藏

孔子衣冠琴書至漢二百餘年不絕

皆經

加麻

家語孔子之喪二三子皆經而出禮記

弔服

報恩

夢奠

漢書夏侯勝授太后尚書及卒太后素服以報師傳之恩禮記子

曰予疇昔之夜夢坐奠於兩楹之間

無服

棄官

白帖孔子喪門人疑所服子貢曰昔者夫

子之喪顏回若喪子而無服喪子路亦然請喪夫子若喪父而無服魏志王朗師楊賜賜卒朗棄官行服

廟門 寢室

禮記師哭諸廟門
檀弓師吾哭諸寢

營墳負土 服

斬居廬

後漢書桓榮字春卿事九江朱普普卒榮乃奔喪負土成墳白帖郭禹師郭荷荷卒服斬哀

居廬 心喪三年

廬墓六載

禮記事師服勤至死心喪三年史記孔子喪弟子

三年喪畢唯子貢廬墓六年而去

增侯芭起墓

餘慶行喪

後漢書侯芭從

揚雄受太玄法言雄卒芭為起墳喪之三年唐書王義方死門人員半千何彥先行喪植松柏墓側三年乃

去半千始名餘慶也

封疏乞留

服縗會葬

啖助傳施士旬吳人魚善左氏春秋

以二經教授由四門助教為博士秩滿當去諸生上疏乞留凡十九年卒於官弟子共葬之江南野史江夢

孫集門生子弟說釋經義卒時年八十五葬之日自遠方至者幾十人而服縗經徒跣者百許

情重

師資 誼尊道德

後漢書廉范事師薛漢後辟公府會薛漢坐楚王事誅故人門生莫敢收

視范獨往收斂之顯宗怒范叩頭謝曰臣無狀心謂漢等皆已伏誅不勝師資之情因貫之又朱穆字公叔

耽學銳意同郡趙康叔盛者隱于武當山清淨不仕以經傳教授穆時年五十乃奉書稱弟子及康歿葬之如

師其尊德重道

立廟藏衣 違經著服

文苑英華申修歿後其弟

為當時所服

子以師所居立廟藏衣冠琴書人謂越禮又兖州人

平辨受業於田才才亡辨著服六年廬於墓側刺史以

為違經越禮造妄異端禁錮三年辨妻遣

小女上策稱寬廉察彈刺史刑獄不當

師四

原能自得師

尚書能自得師者王

函丈

禮凡講說之席函丈注函容也中間一丈之地

足以指畫

不足師

禮記記問之學不足以為人師

無當五服

禮記師無當於五服

五服弗得不親

親師

禮記安其義而親其師

以賢得民

周禮太宰以九兩繫國民

三曰師以賢得民

三盈三虛

論衡少正卯在魯與孔子並孔子之門三盈三虛唯顏淵不去

虛往實歸

莊子常季問於仲尼曰王骀兀者也從之游者與夫子中分魯立不教坐不議虛而

往實而歸固有不言之教無形而心成者耶是何人也仲尼曰夫子聖人也丘直後而未往耳丘將以為師而

況不若丘者乎奚假魯國丘將引天下而與從之

是吾師

左傳子產曰其所善者吾則行之其

所惡者吾則改之是吾師也

可為帝師

史記老父出一編與張良曰讀是可為帝王師

下帷

漢書董仲舒下帷讀書弟子以次相受或不見其面也

稽古賜車

後漢書桓榮明

帝時為師傳以所賜車馬陳於庭曰此稽古之力也

附近朱藍

漢紀童子魏照求師郭泰供給

洒掃泰曰當精義講學何勞相近照曰經師易得人師難求欲以素絲之質附近朱藍

增人倫

之表

世說太傅東海王越鎮許昌以王安期為記室參軍雅相欽重敕世子毗曰夫學之所益者淺體之

所安者深閑習禮度不如式瞻儀形諷誦遺言不如親承音旨王參軍人倫之表汝其師之

祁祁

生徒

潘岳閒居賦曰兩學齊列雙宇如一右延國胄左納良逸祁祁生徒濟濟儒術

遣吏送

歸

晉王承傳承為東海太守有犯夜者為吏所拘承問其故答云從師不覺日暮承曰鞭撻寧越以立威名

非政化之本遣使送歸家

隔幔講禮

裴景仁前秦記苻堅幸太學問博士經典博士盧壺對曰

周官禮注未有師韋逞母宋氏傳其父業得周官音義自非此母無可授後生於是就宋立講室書堂生徒一百二十人隔絳紗幔而受業焉

古之曹鄭

南史劉瓛姿狀纖小

儒業冠於當時都下貴游士子莫不下席受業當時推為大儒以比古之曹鄭

芒屨布衣

南史

范縝從沛國劉瓛學芒屨布衣瓛門多車馬貴游縝在其間並無愧恥及長博通經術尤精三禮

師

道自居

唐書王珪兼魏王泰師王見之為先拜珪亦以師道自居

見師先拜

唐本紀唐

順宗重師傅

榘楚廢弛

柳宗元陽城碩榘楚廢弛尊嚴而威

不拒曲

見甄先拜

士唐書陽城出為道州刺史柳宗元遺何蕃等書曰俞偏之門不拒病夫繩墨之側不拒枉材師儒之席不

拒曲士

師五

原詩魏應璩百一詩曰子弟可不慎慎在選師友師友必良德中才可進誘

原賦晉潘岳閒居賦曰教無常師道在則是故賢士投紱明王懷璽訓若風行應如草靡 漢班固西都賦曰

命夫惇誨故老名儒師傅講論乎六藝稽合乎同異

增書晉太傅司馬越與阮瞻書曰禮年八歲出就外傅明始可以加師訓之責十年曰幼學明可以漸先王之

教也然學之所入者淺體之所安者深諷誦遺言不如
親承風旨小兒既無令淑之質不聞道德之風望諸君
時以閒暇周旋誨接 唐杜之松荅王績書官守有限
就學無因延頸下風我勞何極誠恐燉煌孝廉守琴書
而不出酒泉太守列鐘鼓而空還道既知尊榮何足恃
豈不能正平公之坐敬養亥唐屈文侯之膝恭師子夏
原序後漢蔡邕郭有道碑序曰先生誕因天衷聰睿明
哲孝友溫恭仁篤慈惠貞固足以幹事隱括足以矯時

遂考覽六經探綜圖緯周流華夏遊集帝學收文武之
將墜拯微言之未絕於時纓綏之徒紳佩之士望形表
而影附聆嘉聲而響和者猶百川之歸巨海鱗介之宗
龜龍也爾乃潛隱衡門收朋勤誨童蒙賴焉用祛其蔽
州郡聞德虛已備禮莫之能致羣公休之遂辟司徒掾
又舉有道皆以疾辭 又文範先生陳仲弓碑序曰夫
其仁愛溫柔足以孕育羣生廣大寬容足以包覆無方
剛毅強固足以威暴矯邪正身體化足以陶冶士心先

生有此四德故言斯可法行斯可樂動斯可象靜斯可
微是以邦之子弟遐方後生莫不同情瞻仰由其模範
從其趣尚戾狠思和爭訟化讓雖嚴君猛政迫以刑戮
未若先生潛導之速 增唐韓休蘇頲集序曰拘戈考

篆魯鼎看銘書有亡篋文稱墜簡疑絳老之年走朝有
問卜晉侯之疾訪史莫知莫不取揆宏襟詢謀達識

增歲晉傳玄太子少傳歲曰金木無常方圓應形亦有
隱括習其性成 唐柳宗元師友歲曰不師如之何吾

何以成不友如之何吾何以增吾欲從師可師者誰借
有可從舉世笑之吾欲取友誰可取者借有可取中道
或舍仲尼不生牙也久死二人可作懼不吾似中焉可
師恥焉可友謹是二物用惕爾後道苟在焉傭丐為偶
道之不在公侯以走內考諸古外考諸物師乎友乎敬
爾無忽

交友一

增釋名曰友有也相保有也 說文曰友愛也同志為

友 鄭玄注曰同師曰朋同志曰友 周易曰西南得

朋 又曰同人于門无咎 又曰勿疑朋盍簪 又曰

麗澤兌君子以朋友講習 又曰出門交有功 原又

曰二人同心其利斷金同心之言其臭如蘭 增詩曰

邛須我友 原又曰伐木丁丁鳥鳴嚶嚶出自幽谷遷

于喬木嚶其鳴矣求其友聲相彼鳥矣猶求友聲矧伊

人矣不求友生 增又曰每有良朋况也永歎 禮記

曰僚友稱其弟也執友稱其仁也交游稱其信也 又

曰年長以倍則父事之十年以長則兄事之五年以長

則肩隨之羣居五人則長者必異席 原又曰君子不

盡人之歡不竭人之忠以全交也 又曰交游之讐不

同國 又曰敬業樂羣 又曰論學取友 又曰獨學

而無友則孤陋而寡聞 又曰君子之交淡如水小人

之交甘如醴君子淡以成小人甘以壞 又曰儒有合

志同方營道同術久不相見聞流言不信義同而進不

同而退其交友有如此者 大戴禮曰與君子游苾乎

如入芝蘭之室久而不聞其香則與之化矣 增公羊

曰同門曰朋 周禮曰司練糾萬民之德而勸之朋友

原孝經曰士有爭友則身不離於令名 家語曰夫

內行不修身之罪也行修而名不彰友之罪也故君子

入則篤行出則友賢 莊子曰凡交近則必相磨以信

遠則必忠之以言 增白虎通曰朋友之道有四近則

正之遠則稱之樂則思之患則死之 劉歆新義曰夫

交接者人道之本始紀綱之大要名由之成事由之立

又曰才非交不用名非交不發義非交不立 揚子

法言曰朋而不心面朋也友而不心面友也 原要覽

諸葛武侯曰勢利之交難以經遠士之相知溫不增華

寒不改葉貫四時而不衰歷夷險而益固 譙子曰夫

交之道猶素之白也染之以朱則赤染之以藍則青

又曰交得其道千里同好固於膠漆堅於金石 阮孚

政論曰夫交游者倚黨結於家威權傾其國或以利厚

而結或以名高相求同則譽廣異則毀深朝有兩端之

議家有不協之論至今父子不同好兄弟異交游破和
睦之道長爭訟之源 文選曰塵附泰山霧集河海言
小之依大也 仲長子昌言曰幽言則攻已之短會同
則述人之長負我者我加厚焉未有與人交若此而見
憎者也 文中子曰以勢交者勢傾則絕以利交者利
窮則散

交友二

增魯連子曰舜耕於歷山而交益陶於河濱而交禹

家語孔子曰文王有四友自吾得回也門人加親是非

疏附耶自吾得賜也遠方之士至是非奔走耶自吾得

師也前有輝後有先是非先後耶自吾得由也惡言不

入於耳是非禦侮耶 風土記曰越俗性率朴初與人

交有禮封土壇祭以犬雞祝曰卿乘車我戴笠後日相

逢下車揖我步行卿乘馬後日相逢卿當下 說苑曰

魏文侯謂田子方曰自友子方也君臣益親百姓益附

吾是以知友士之功焉 後漢書曰第五倫始以營長

詣京尹鮮于褒見而異之署為吏後褒坐事左轉高唐
令臨去握臂訣曰恨相知晚 原又曰李燮字德公所
交皆舍短取長好成人之美時潁川荀爽賈彪雖俱知
名而不相能變並交二子情無適莫世稱其正 增又
曰王允字子師同郡郭林宗一見竒之曰王生一日千
里王佐才也遂定交 又曰馬寔字伯騫交結英雄負
笈荷擔不遠萬里山陽王暢未仕時寔慕高名往存之
暢執其手揖引與入談畢請入見母飲寔定交而別寔

臨退報暢手書曰太上立德其次立功幸俱生盛明之
世免磚瓦之姿託為丈夫當建名後載不可為空生徒
死之物穢天壤之間原江表傳曰吳有程普者頗以
年長數凌侮周瑜瑜折節容下終不之校普後自敬服
告人曰與周公瑾交若飲醇醪不覺自醉增晉書曰
東甌沃壤名士多樂居之太傅謝安未仕時亦居之與
王羲之孫綽李充許詢道林皆文義冠世共相友昵
談藪曰太原孫伯喬家貧常映雪讀書放情物外棲志

丘壑與王令君亮范將軍雲為莫逆之交王范既相二
朝欲以吏職相處伯裔曰人生百年有如風燭正可怡
神養性琴酒寄情安能栖栖役曳若此嵇康所不堪余
亦未能也 南齊書曰劉悛字士操彭城安上里人也

從駕登蔣山上數歎曰貧賤之交不可忘顧悛曰此况
卿也今日與卿盡布衣之交悛起拜謝 梁典曰劉訐

字彥度與陳留阮孝緒同申金蘭之契築室鐘阜之傍
共聽內義鑽尋奧典 又曰韋貞字弘遠志尚夷簡澹

於榮利周弘正造竄談謔盡日恨相遇之晚也後請竄
至賓館竄未赴弘正乃贈詩曰德星猶未動真車詎肯
來其為當時所欽重如此唐書曰武德中薛元敬為
秘書郎太宗召為天策府參軍兼直記室薛收與元敬
俱為文學館學士時房杜等處心腹之寄深相友託元
敬畏於權勢竟不之狎如晦嘗云小記室不可得而親
不可得而踈又曰于休烈河南人貞觀中任左僕射
為十八學士心性貞慤機鑒敏悟自幼好學善屬文與

會稽齊融延陵包融為文詞之友齊名一時 又曰楊
憑字虛受為左散騎少負氣節與母弟凝凌相愛皆有
名重交游與穆質許孟容李鄴王仲舒為友故世稱楊
穆許李之友

交友三

原彈冠

結綬

漢書王陽與貢禹為友世稱王陽在位
貢禹彈冠言其取合同 漢書蕭育與

朱博為友著聞當代長安語
曰蕭朱結綬言相薦達也

解帶

披襟

上見周祇
執友歲

王智深宋紀孔淳之隱刻山嘗遇桑門釋
法崇于二山披襟領契自以為得意之交

兩龔

二

仲漢書兩龔皆楚人勝字君實舍字君倩二人相友善著

中三逕唯羊仲求仲從之

增神交

冥契

袁宏山濤別傳曰陳

留阮籍漁國嵇康並高才遠識少有悟其契者濤初不

識一與相遇便為神交世說曰支道林喪法虔之後

精神實喪風味轉墜謂人曰冥契既逝發言莫

原尹

班荀李

東觀漢記尹敏字幼季與班彪相厚每相與談常對案不食晝即至暝夜即徹明司馬

彪續漢書李膺性簡亮無所交

贈言

為誅

史記孔

老子送之曰仁者贈人以言夫聰明深察而近於死者

好議人者也博辨宏達而危其身者發人之惡者也

晉書郗超卓犖有曠世之度交游士林每有勝狀

雖寒門後進拔而友之死之日貴賤為誄四十人

班

荆

為黍

左傳伍舉與聲子相善班荆相與食而言復故也後漢書范式張邵千里相期殺雞為

黍以

陳雷

毛薛

後漢書陳重少與同郡雷義相交善義舉茂才讓於陳重刺史不聽

義遂佯狂逃避鄉里為語曰膠漆自謂堅不如雷與陳

史記趙有處士毛公藏於博徒薛公藏於賣漿家魏

公子無忌從此二人游

讓友

定交

韓詩外傳宋玉因其友事襄王襄王待玉無異乃讓

其友友曰藍桂因地而生不因地而卒周易君子定其交而後求

增青雲

白水

梁書

江淹曰袁叔明與予有青雲之交非直銜杯酒慙而已文選青松示心白水旌信

陶陶

款款

東觀漢記尹敏與班彪久語彪曰相與久語為俗子所怪然鍾子期死伯牙破琴曷為陶陶哉廣

絕交論范張款款於下泉

雅游

小友

張耳傳張耳雅遊多為人所稱言其交結英俊是以

多為人稱譽也。新唐書張九齡與嚴挺之蕭誠善挺之惡誠佞勸九齡絕之九齡忽獨念曰嚴太苦勁蕭軟美可喜李泌在傍曰公起布衣以直道至宰相而喜軟美者乎九齡驚改容謝之呼為小友。裹飯

指困

莊子子輿與子桑友淋雨十日子輿裹飯往食之至子桑之門則聞若歌若笑鼓琴曰父耶母

耶人乎天乎子輿曰子之歌何故若是曰吾思夫使我至此者弗可得也。吳志魯肅字子敬以散財賑窮結

士為務周瑜為居巢長過肅並告資糧肅家有兩困米各三千斛乃指一困與瑜瑜益知其奇也遂相親結定

僑札之分

寄梅

標竹

魏書陸凱仕魏為正平太守與范曄相善自江南寄梅一枝并詩云

折梅逢驛使寄與隴頭人江南何所有聊贈一枝春下見周祗執友歲

同車

投劍

晉書

陶侃至洛陽時郎中令楊暉侃同里也侃詣之暉與侃同車見中書郎顧榮榮甚奇之世說陸機赴假還洛

輜重甚盛無淵與少年掠之淵在岸上據胡床指揮左右皆得其宜機於船屋上遙謂之曰卿才如此亦復作

劫淵流涕投劍歸機機便與定友作筆薦焉

把臂

忘形

世說東漢朱暉與張堪同縣張

于太學見之接以交道堪把暉臂語曰欲以妻子託朱生暉舉手不敢對自後不復相見張亡後聞其妻子貧困自往候視厚賑贍之暉子頽怪問曰大人不與堪為友何忽如此暉曰堪常有知己之言吾已信于心也

唐書昭州刺史敬超先與杜甫善故甫寄高適詩序今海內忘形故人獨漢中王瑀昭州敬使君超先在

朱陳

孫孔

上見宦官類

唐書孔紹安越州山陰人陳吏部尚書與之子少與兄紹新俱以文

辭知名年十三陳亡入隋時有詞人孫萬壽與紹安篤忘年之好時人稱為孫孔

班草

採

葵

後漢書張升字彥真過黨錮去宦道逢友人班草而語以閹宦專權因相向而泣有父老過之曰嗟乎二

大夫何泣之悲龍不隱鱗鳳不藏翼一世網羅泣將安
及二人欲與之言不顧而去升竟以黨錮下獄死古
詩採葵莫傷根
交友莫羞貧

立雪

占星

唐蕭至忠嘗與友人期街中俄而雪下人或止

之至忠曰馬有與人期畏雪不去遂命駕徑往立於雪中
深尺餘期者方至續晉陽秋陳寔字仲弓荀淑字
季和造請討論于是德星見
太史奏五百里內有賢人聚

原贈束帛

獻紵衣

家語

孔子遇程子傾蓋而語終日甚相悅顧謂子路曰程子
天下之賢士取束帛而贈之左傳吳季札見鄭子產
如舊相識與之縞

增望衡對宇

割席分氈

荊州記龐德公

帶子產獻紵衣

居漢之陰司馬德操宅漢之陽望衡對宇歡情自接汎
舟褰裳率爾休暢見聞錄宋韓億李若谷未第時俱

貧赴試京師僅有一氈一席割分之每出謁更相為僕
李先登第韓為負箱至長社分錢相別後韓亦登第

稱金石交

號山林友

漢書漢王與韓信為金石交
韋溫少合所善惟蕭祐少

貧隱居以孝聞警然不以塵
市自蒙故溫號山林友云

樂天三友

餘慶十朋

白樂天以詩酒琴為三友
盧藏用陳子昂杜審言宋之問畢構郭襲微司馬承禎

唐書陸餘慶雅善趙貞固
相得甚歡恨相

釋懷一時號

恨相見晚

如平生歡

漢書魏其灌夫
相得甚歡恨相

見晚也

後漢書馬援見公
孫述以為當握手歡如平生

友號四夔

交稱三隱

崔造字元宰與韓會盧東美張正則為友皆倚居上元
好談經濟之略嘗以王佐自許時人號為四夔南史

阮孝緒博學隱居不交當世恒居一鹿牀時人造之未
嘗見也劉訐一造孝緒即願以神交訐族兄歆又履高

操三人日夕招携
故都下謂之三隱

自是南金

豈因白璧

晉書薛兼
與同郡紀

瞻廣陽關鴻吳郡顧榮會稽賀循同志友善初入洛司
空張華見而歎息曰南金也道學傳杜京庠建武初

徵之庠曰莊周持釣宜為白璧所回辭

引見妻孥

不受會稽孔道徵亦守志庠與友善

告之祖考

雲仙散錄杜甫每朋友至則引見妻子章侍
御退而使其婦送夜飛蟬以助妝飾宣武

盛事唐戴弘正每得密友一人則書
於簡編焚香拜告祖考號金蘭簿

延於金谷

引

入華林

晉書潘岳與石崇詔事賈謐每候其出望塵而
拜謐開延賓客于金谷園號二十四友岳為之

首次石崇左思陸機陸雲劉興劉琨歐陽建杜彬王粹
鄒捷崔基劉瓌周恢陳聆劉納繆徵摯虞諸葛詮和郁

牽秀許猛杜育並附會于謐南史何點字子皙與梁
武帝舊交詔以鹿皮巾召之引入華林園賜詩酒恩禮

如舊 謁即誦詩 交相為傳

詩話馮道明謁雍陶時陶
為簡州牧呵曰與君素昧

平生道明曰誦員外詩仰員外德遂咏曰閉門客到常疑病滿院花香未是貧陶延之上坐歡狎如平生交

宋司馬光范鎮相得歡甚曰吾與子生同志死當同傳二公既約更相為傳而後死者則誌其墓云 交

締雲霞

誼深風雨

南史謝瞻不營當世與范泰為雲霞交 漢書朱博杜陵人家少給

事縣為亭長好客稍遷為功曹伉俠好交隨從士大夫不避風雨

就肆謁父 升堂

拜母

殷士世傳殷褒字元祚河南鄭廉始出寒賤又未知名見而友之廉父嘗居肆乃就拜其父于肆中

衆皆驚廉由是顯名位至司徒會稽典錄盛憲字孝章初為臺郎常出遊逢一童子容貌非常憲怪而問之

是魯國孔融年十餘歲憲下車執融手載以歸舍與之談宴結為兄弟升堂拜母曰可賀憲母昔有憲憲今有

弟

含菽相過

種瓜自給

東觀漢記閔仲叔恬靜養神弗役於物與周黨相友

黨每過仲叔共含菽飲水
吳錄步騭與衛旌同年相友善俱以種瓜自給晝勤四體夜誦經傳
名

沉醉川

傳交讓瀆

崔豹古今注鄭弘行宦京洛未至夜宿一壩逢舊友四人四顧荒郊

沽酒無處情抱不申乃各以錢投水中依水共飲盡夕酣暢皆得大醉因名沉醉川南史交讓瀆陸慧曉與張融並居其間有池池上有二株楊柳何點歎曰此池便是醴泉此樹便是交讓舊傳有交讓瀆因張陸也

交呂攀嵇

宗陳友范

向秀傳向秀字子期少與譙國嵇康東平呂安友善嘗與

康偶鍛於洛邑與安灌園於山陽收其餘利以共酒食之費故顏延之詩交呂既鴻軒攀嵇亦鳳舉魏志邴原至陳則師韓子助潁川則宗陳仲弓汝南則交范孟博潁郡則親盧子幹
推懷投款

傾心定交

南史初齊高帝為舍人劉懷珍為直閣相遇甚善高帝輔政以子晃代為豫州刺史或疑

懷珍不受代高帝曰我布衣時懷珍便推懷投款況在今日寧富有異唐書李密字玄邃開皇中襲父爵始弱冠尚書令楊素見而奇之謂其子玄感曰李密智計不窮爾所不及可與為友

受詔定交

遺書贈友

後漢書肅宗始修古禮巡狩方岳崔駰上西巡頌帝謂侍中竇憲曰知崔駰乎對曰

班固數為臣言之然未見帝曰公愛班固而忽崔駰葉公之好龍也可試見駰駰候見憲憲倒屣迎笑謂駰曰吾受詔交公何得薄我哉遂揖入南史劉善明與崔祖思友善祖思出為青冀二州善明遺書贈之及聞祖思死痛哭

易衣之稱

彈冠之友

周書張軌字元軌少好學志識開朗

初仕洛陽家貧與安樂孫樹仁為莫逆之交每易衣而出以此見稱會稽典錄虞倫字孝緒餘姚人與駱瑗

為彈冠之交

交友四

增推長違短

家語孔子將行雨而無蓋門人曰商有之孔子曰商之爲人也甚怯于財吾聞與人

交推其長者違其短者故能久也

承顏接辭

漢書暴勝之爲直指使衣繡持斧威震州郡雋

不疑感服至門上謁曰竊伏海濱聞

硯席之交

漢宣帝少

時與彭祖同硯席

百世之師

綱鑑扶風法真博通內外學隱居不仕帝欲致之四徵不屈友

人郭正稱之曰真名可得聞身難得見逃名而名我隨避名而名我追可爲百世之師矣

定交杵

白東觀漢記公沙穆家貧與吳祐賃春祐與語大驚遂定交于杵曰之間

友季結符

郭林

宗別傳郭泰字林宗入潁川則友李元禮至陳留則結符偉明之外黃則親韓子助過蒲亭則師仇季智

絃韋為質

後漢書胡叟字倫許一見高允曰吳鄭之交以縞紵為美談吾之與子以絃韋為幽質以

此言之可無愧也

孔李通家

范蔚宗後漢書孔融十歲父誥京師時河南尹李膺簡重融造

其門云我與公積代通家膺乃召見曰君父祖未嘗與僕有恩舊曰吾先君孔子與君先人李老君同德比義而相師友融與公豈非積代通家歟眾皆奇之

拜母

晉書庾衮與諸兄過邑人陳準兄弟友之拜其

母衮獨不拜曰拜人之母將同于子其義至大隣人褚德隱逸養親老而無倦衮每拜之

後有慶

廉

後漢書洛陽慶鴻慷慨好義廉范與為刎頸之交時人稱曰前有管鮑後有慶廉

世稱四

子

嵇康高士傳逢萌徐房李雲王尊同時相友世號為四子

屢聞得失

三國志諸葛武侯曰

初交州平屢聞得失後交元直勤見啟誨初宰每言則盡偉度數有諫止雖資性鄙暗不能悉納然與此四子

終始好合亦足以明其不疑直言也

拜父

魏志孔融才高倨傲在陳紀陳羣之間融先與紀友後與

羣交更為

僞札之好

晉陽秋陸抗屯江上羊祜魏邊將推僞札之好抗嘗遺祜酒祜

紀拜父

亦饋抗藥皆推心服之

縞帶之好

吳錄張儼字子節拜大鴻臚使于晉羊祜何禎並結縞帶

之好 世外之交

晉書許邁字叔玄入臨安西山改名玄字遠遊王羲之造之未嘗不彌日忘歸

相與為世

同志齊名

道學傳許邁少與高陽許詢並治高節同志齊名詢能清言兼

有詞藻邁博

總角友善

何法盛晉中興書庾翼與桓溫友善在總角之中便相期

學亦善屬文

終始 利獲二雋

晉書陸機吳人太康末與弟雲造張華華素重其名如舊相識曰伐吳之

役利獲

交府士

晉中興書王尼為護軍府士卓犖不羈王澄胡毋輔之齊羊酒詣護軍府

二雋

尼時給府役輔之等遂入坐馬廐下與尼炙羊飲酒醉飽而去不見護軍護軍大驚即與尼長假免其為兵

勝我自知

世說王濛與沛國劉惔齊名友善惔嘗稱濛性至通而自然有節濛每云劉君知我

勝我自知

擬之八雋

晉中興書羊曼字祖延頗縱狂放飲酒無節與溫嶠庾亮阮籍桓彝同志

友善時州里稱陳留阮放為宏伯高平郗鑒為方伯太山胡毋輔之為達伯濟陰卞壹為裁伯陳留蔡謨為朗伯陳留阮孚為誕伯高平劉緩為秀伯而曼為韜伯凡八伯蓋擬古之八雋

異代相交

史南

蕭允字叔佐為會稽丞經行延陵季子廟設萍藻之薦託異代之交為詩序意辭理清要

一文一

咏

梁書何遜字仲言東海郊人也弱冠舉秀才南鄉范雲見其答策大相稱賞因結忘年交好自是一文一

咏雲輒

存問往來

北齊書袁聿修歷任清華郎署之日值趙彥深為水部郎中同在一

嗟賞

院因成交友彦深被沙汰停秩門生藜藿聿修猶以故情存問往來

季孟之間

北史盧懷仁有

行檢善與人交與瑯邪王衍隴西李壽之情好相得嘗語衍云昔郭泰道廣許劭知而不顧嵇生峙立鍾會遇

而絕言吾處季孟之間去其太甚衍曰然

幅巾以待

三國春秋姚襄單騎渡淮見豫州刺史謝

尚于壽陽幅巾以待之一面如舊相識

結為交會

隋書劉孝孫荊州人祖禎周石臺太守孝

孫弱冠知名與當時詞人虞世南蔡君和孔德紹庾自直劉武等登臨結為交友

耐久之朋

唐書魏元同與裴炎締交能保始終號耐久朋

對牀風雨

韋應物詩寧知風雨夜復此對牀眠

人外之交

唐書李泌流放江南與柳渾顧况為人外之交咏吟自適

放逸之友

周書韋夔字敬遠志尚曩簡雅好名義虛襟善誘雖畊夫牧豎有一節可稱者皆復引之特與族人處元乃安

定梁曠為
放逸之友

交友五

增詩漢蘇子卿與李少卿詩曰骨肉緣枝葉結交亦相
因四海皆兄弟誰為行路人況我連枝樹與子同一身
昔為鴛鴦與鵞今為參與辰昔者長相近邈若胡與秦惟
念當離別恩情日以新鹿鳴思野草可以喻嘉賓我有
一樽酒欲以贈遠人願子留斟酌叙此平生親 李少
卿與蘇子卿詩曰嘉會難再遇三載為千秋臨河濯長

纓念子悵悠悠遠望悲風至對酒不能酬行人懷往路
何以慰我愁獨有盈觴酒與子結綢繆 原古善哉行

曰月沒參橫北斗闌干親友在門忘寢與餐 魏曹植

離友詩曰王旅遊兮背故鄉彼君子兮篤人綱勝予行

兮歸朔方馳原隰兮尋舊疆車載奔兮馬繁驤涉浮濟

兮汎輕航迄魏都兮息蘭房展宴好兮唯樂康 晉郭

璞贈溫嶠詩曰人亦有言松竹有林及爾臭味異苔同

岑言以忘得交以淡成同匪伊和惟我與生爾神余契

我懷子情攜手一豁安知塵冥 齊謝朓贈友人詩曰

芳洲有杜若可以贈佳期望望忽超遠何由見所思我行未千里山川以間之離居方歲月故人不在茲清風動簾夜孤月照窻時安得同攜手酌酒賦新詩 梁陸

倕贈京邑僚友詩曰余本水鄉士閉門江海隅時逢道世泰蹇足出高衢江中寒事早夜露傷秋草心屬姑蘇臺目送邯鄲道追惟疇昔時朝府多歡暇薄暮埃塵靜飛蓋相追迓李郭或同舟潘夏時方駕娛歡追美景敷

文永清夜促膝豈異人戚戚皆姻婭 梁蕭鈞晚景遊
泛懷友詩曰龍門依御溝鳳轄轉芳洲雲峰初辨夏麥
氣早迎秋山翠餘烟積川平晚照收浪隨文鷁轉渡逐
彩鴛浮風花轉未落巖泉咽不流一辭金谷苑空想竹
林遊

原賦梁丘遲思賢賦曰夫子長之託意甘執鞭於異世
在慈明之慕義聊暫馭而追悅況至德之可師無兼美
以共敬有樂安之任子偉羣才而稱傑備百行之高致

該九流之洪藝諒可雜而非染迹每同而常別牆易入
而難窺關無鍵而有閉思若神而泉涌翰如雲而積袂
沉潛於懷抱之間蕭散於天人之際日下愧其未雙闕
西慙於上哲紛吾既有此固陋荷君子之渥惠塵非附
而分深葉未移而好結尋宿草之宴處歷三紀於茲日
性有同於杞梓心獲變於丹漆文何屬而不辯理何疑
而匪質問不休而鐘扣答無窮而座謚

增書蜀諸葛亮與張裔書曰吾自以為與君古之石交

也石交之道舉讐以相益割骨以相明猶不相謝也口
河朔倒懸之苦方須救拔遣游辯之士為鄉導之使輕
裝啟行經營舊壤今泗上歸業稷下還風君欲誰讓耶
聊送寸心敬申貧贈 陳徐陵與王吳郡僧智書曰昔
林宗道主時人多慕德之賓無忌雄豪天下盡希風之
客况復王家沉默謝氏混元名貴公門譽華卿子而秦
峰阻夙浙水悠長諮訴無因但用窮結比青萼已戒白
露方溥體中何如願席康勝竊承君侯被以先輝屢有

吹噓之言頻蒙薦延之澤故得周行紫閣升降丹墀點
汙清朝豈不荒愧雖復華陰砥柱帶地窮深高高維岳
極天為重未可以方斯盛典譬此洪恩年迫桑榆豈期
酬報政以川波非遠對奉無因夜夢子長之遊朝覽希
道之䟽浮雲西北徒懷魏帝之文行雨東南思假飛山
之便窮誠既結荒略逾深方事祁寒願加珍納謹扶力
白書迷乏不次 唐劉蛻答知己書曰蛻嘗感近世知
已墮離交道沈廢不忍終日疚之於心思出其門閭上

謁於公卿水行吳楚之域陸走商周之甸旁聽天下歲
晚而歸卒無所遇是十六國之故墟四瀆之隅落未足
為大也卒不能副蛻也區區之望況有一言解相印一
見爵上卿者乎斯不無人晚乃遇之不自紹介之口不
因媒屬之勢纓綏車佩下入蓬蒿一言而膠附不離有
憂其始終出處之事者蛻前日來求人為知己交道之
心一旦得遇昆弟親戚之愛又自思之夫人之身宜何
如以報謝將報謝復與執事何所補哉然而有意益厚

違命固難者則不敢書且試託之於韓繁秀才風雪滿
硯不獲多書

增序宋范文正王元之畫像序曰王文正公居宰輔二
十年未嘗見愛惡之迹天下謂之大雅寇萊公左右天
子却戎兵安社稷天下謂之大忠樞密馬公慷慨立朝
有犯無隱天下謂之大直此三君子一代偉人王公與
三君子深相交許情如金石則公之友道可知矣

增文□周昭新撰曰交之為道起自羲王造化之初君

臣始立而有人倫上下之序象天地交泰以左右於民也唐虞三代莫不因之故交全情親則國安治強交敗情乖則國危治弱立交者欲其親也是故百姓不親禹作司徒踈者能睦廉頗相如忍忿以從厚陳平周勃感陸生而相親所以安趙於強敵定漢於幾殆此交接之大義帝王之極務聞之於易曰交乃人倫之本務王道之大義也

增論後漢蔡邕正交論曰聞之前訓曰君子以朋友講

習而正人無有淫朋是以古之交者其義敦以正其誓
信以固逮夫周德始衰頌聲既寢伐木有鳥鳴之刺谷
風有棄予之怨其所由來政之缺也 唐李華正交論

曰夫三尊闕師訓之喪朋友無寢門之哭學府無哀朋
之制禮亡浸遠言者為非人從以偷俗用不篤弊在不
專經學淪於苟免者也師乏儒宗則道不尊道不尊則
門人不親友非學者則義不固義不固則交道不重選
不由鄉則情不繫府情不繫府則舉薦寡恩三者化人

之大端而情禮盡曠徼幸道長而純慤道消於是大雅
之友掃除無妄之交風動利招則不悔機罔名眩則甘
心鼎鑊傾之以勢則不畏於天地餌之以權則忍絕於
親愛故詩有谷風之刺禮有邦朋之禁以此防人猶或
踰之嗟夫奇巧釣情者明哲所惡鋒芒逆物者道家不
取受施忘惠者仁義之蠹跡均心異者蠻貊之俗面附
背攜者人道所棄遠賢奔利者商賈之行俞可強否者
僕妾恒性愛子遺親者犬彘之心苟能久要之約必存

平生之言可復如樓護終身與呂公同食張裔養楊恭
母如親則家室有歸人誰虞死也

原讚晉夏侯湛管仲像讚曰堂堂管生志存興仁仁道
在已唯患無身包辱遠害思濟彞倫心寄鮑子動成生
民 又鮑叔像讚曰鮑子惛惛式昭德音綢繆敬仲二
人同心厥芳猶蘭其堅如金遙遙景迹君子攸欽

原箴宋周祗執友箴曰四輔揚輝伐木幽林撫喬鸞飛
爰逮姬哀俗遂凋成交緣利昵朋因偽情谷風興哀繁

霜夏零道之未盡弘焉由人自室有回過門則親微言
綿邈清談輟響金雖能照塵積翳朗西河感離口悟投
杖慊慊文侯友賢好學英英燕昭禮郭致樂推誠歲寒
功標松竹落落僑札遼遼莊惠解帶一遇道映萬世人
亦有言貴則易交利重太山道輕鴻毛久而致敬見之
晏平霜雪既至勁柏冬青

增謠唐李白筌篥謠曰攀天莫登龍走山莫騎虎貴賤
結交心不疑唯有嚴陵與光武周公稱大聖管蔡寧相

容漢文一斗粟不與淮南春兄弟尚路人吾心安所從
他人方寸間山海幾千重輕言託朋友對面九疑峯多
花必早落桃李不如松管鮑已久死何人繼其蹤

原碑後漢蔡邕貞定直父碑曰其接友也審辨真偽明
於知人度始終而後交情不踈而貌親 晉孫楚牽招
碑曰君與劉備少長河朔英雄同契為刎頸之交俄而
委質於太祖備遂鼎足於蜀漢所交非常為時所忌每
自酌損在乎季孟之間

御定淵鑑類函卷二百五十二